

AWE


The New York Times

INTERNATIONAL WEEKLY

BON DIA *Aruba*

Diasabra 13 di Juli 2013 www.bondia.com Email: noticia@bondia.com Tel: 582-7800 Fax: 582-7044 1,50 Florin

Fin di Juli, boet lo cuminsa cay!



Segun acuerdo, si pa e fecha stipula e proyecto no keda cla, boet lo cuminsa cay pa e contratista. Lesa pagina A6.

Rotonde dilanti di aeropuerto dorna cu bandera di Aruba y Hulanda pa bishita di Prome Minister Hulandes, Mark Rutte



Pagina A8

Entrante ayera Cuerpo Policial no ta tolera nada contra regla, y cu ta liga na campaña electoral pa eleccion di september binidero



Pagina A8

E famoso Chef Dino Jagtiani cu demostracion na Aruba cu colaboracion di 5 Chef local bon estableci aki na Aruba.



Pagina B9

BIRA ABONADO Y CONOCE

Fort Lauderdale

Yena e formulario cu ta parece den Bon Dia Aruba, bira abonado di Bon Dia Aruba y participa pa GANA dos ticket cu Tiara Air Aruba y conoce Fort Lauderdale.

BON DIA *Aruba*

Tiara Air Aruba

Caso tristo na Cura Cabay

Mucha di 12 aña ta pone cuchiu na garganta di mucha di 6 aña

CURA CABAY—Diahuebs 20.30, Central tamanda Polis na un cas na Cura Cabay na unda un mucha homber menor di edad a pone cuchiu na garganta di un mucha di 5 aña. Na e sitio Polis ta topa un muhe cu e dos muchanan. E muhe C, naci na Aruba di

33 aña, a declara cu e mucha homber K, naci na Aruba di 12 aña a pone cuchiu na garganta di su yiu J, di 6 aña. K a declara cu J, a yama K number di un cacho. K, a bis'e pa no yam'e mas e number di e cacho. A resulta cu J, a bolbe yam'e na number di e cacho. Door di esey

K, a rabia y a pone un prikeldraad na carganda di J. K, a bisa Polisnan na unda e ta biba y Polisnan a hib'e su cas pa papia cu e mama, pero e mama no tabata na cas. K, a bisa polis cu su ruman di 16 aña mayoria biaha ta wak pe. Relaciona cu esey, Polisnan a hiba K. warda di

San Nicolas, mirando cu no tabatin ningun hende na cas. Door di Slachtofferhulp, personal di Voogdijraad a wordo yama pa bay warda di Polis. A resulta cu K, ta un cliente di nan y investigacion ta andando relaciona su actitud. Voogdijraad a haci un palabracion cu e mama y K, na unda tur

dos partido a bay di acuerdo. E palabracion ta cu K, no ta permiti mas pa cana riba caya y si esey ta e caso, lo wordo haci uso di Polis.

Personal di Voogdijraad a wordo poni na haltura cu a bisa cu e lo wordo poni den un institucion. □

Prome Minister Eman ta admiti cu asunto di studiantenan docter den exterior

Gobierno ta 'entre la espada y la pared' relaciona cu asunto di BIG

ORANJESTAD – Gobierno e siman aki, pa medio di Prome Minister Mike Eman a admiti cu nan ta den un situacion fastioso, pa loke ta e asunto di studiantenan medico rubiano cu ta studia den region. “Pa algun aña caba nos ta mira hopi di cerca con studiantenan di Aruba ta scoge pa studia medicina den region, mientras nos leynan ta exige un diploma den medicina cu ta BIG registra. E ley ta hopi cla, pero na mes momento e realidad tambe ta hopi cla. Te ainda hopi hoben Arubiano ta scoge pa studia medicina den region. Esaki ta

bin dor di circunstancianan, un di nan ta mayornan cu tambe a studia medicina den region cu ta pasa e inspiracion aki over pa nan yiunan”. Eman ta admiti cu esaki ta pone gobierno si dilanti un complicacion pasobra cu e ley di registracion BIG ta pa garantisa calidad den cuido medico. “Aki ta trata bida di hende. Ta p'esey cu nos kier ta hopi cauteloso cu e servicio cu ta wordo duna na ciudadanonan na momento di malesa y emergencia ta e miho cuido cu por ofrece”. Eman a bisa cu realidad ta cu tin un gran cantidad di yiunan di tera cu

a studia den region cu hopi dedicacion y cu awor kier sirbi e comunidad aki. “Nos a bin cu tur sorto di empeño pa por a acomoda dokternan cu a studia den region”. Eman a splica cu mescos cu den Dialogo Social a scucha partnernan riba e tereno aki pa haya un sosten amplio pa e decision cu mester wordo tuma. E caminda cu a cana tabata largo, pero tuma cu hopi cautela. “Finalmente dia 28 di november di aña pasa a yega na un acuerdo cu e asociacion di specialistan di Aruba, di dokternan di cas, dirigencia di dr. HOH y di

IMSAN. Den e acuerdo ey ta poni cu nos ta consciente cu tin hopi graduado ta bin cu un diploma cu no ta automaticamente BIG registra for di region y cu nos como sociedad tin e responsabilidad pa duna nan e oportunidad pa por drenta e mercado”. Den bon colaboracion cu hospital, IMSAN, asociacion di especialista y dokternan di cas a keda cumbini pa yega na un protocolo cu mester wordo hiba. A contrata dr. Huisman y e hunto cu e instancianan involvi y e graduadonan a delinea e trayectonnan cu mester sigui. “Asina a yega na tres esco-

gencia cu tin pa graduadonan di region, cu ta zaalarts, poor-tarts y tambe e proceso pa laga certifica e estudio y diploma y a base di e analisis ey wak kico mas mester haci pa por haya un decreto pa por practica medicina na Aruba den cierto direccion”. Eman: “Awe resultado positivo di tur e esfuersonan aki ta cu Augusto Bermudez ta esun cu ta bay haci uzo di e prome posicion cu a wordo crea a base di e trayecto cu nos a scoge den colaboracion cu tur e otro instancianan cu ta importante pa garantisa cuido medico na Aruba”. □

No tin fecha ainda pa caba cu e accion di firma segun John John Flemming

Mas cu 7000 firma colecta pa cambia ley di registra dokternan studia den region

ORANJESTAD – E comision di mayor y alumnonan medico cu ta colectando firma pa haya atencion di Parlamento di Aruba riba cambio di ley pa studiantenan medico den region, ta yegando 7.000 caba. Esaki a keda confirma pa representante di e grupo, John John Flemming na BON DIA ARUBA. Contrario na informacion inicial, e grupo no ta para cu e accion di firma e weekend aki, sino mas bien riba un otro fecha cu lo wordo anuncia proximamente.

CAMBIA LEY

E comision ta buscando forma pa gobierno di Aruba y parlamento cambia e ley y regla cu tin actualmente pa

laga studiantenan cu gradua pa medico den region, por traha mesora na Aruba, sin cu nan tin cu pasa den e proceso pa registra segun e normanan Hulandes Europeo conoci como BIG. Esaki ta strobando e studiantenan aki y ta haci e trayectoria pa por cuminsa traha na Aruba, hopi mas largo y costoso.

META

Siman pasa e comision a subi caya, en busca di firma pa e meta aki, y a ubica nan mes strategicamente na varios localidad popular pa asina colecta e firmanan necesario. Riba un solo dia, a logra colecta no menos cu 5000 firma caba segun Flemming,

cu sigur ta muestra e interes cu comunidad tin pa laga yiunan di tera haya mas bos riba nan propio isla. Mientrastanto varios di e studiantenan cu ta forma parti di e comision, a bandona Aruba pa continua cu nan estudio.

DOCTERNAN SIN DESTINO

Segun Flemming, tin un grupo di por lo menos 8 dokter cu aworaki no por logra haya un trabou na Aruba, siendo cu nan a studia pa dokter pero no ta permiti pa traha. Nan ta canando un caminda di cruz pa por haya e trabou. Nan kier haci esaki sin e proceso di BIG, pero no por a keda cla.

Den e comision tin tambe docternan cu tambe a studia den region y cu si a sigui e proceso di acreditacion segun regla di BIG.

CANTIDAD DI FIRMA

Pa loke ta e cantidad di firma, e comision a muestra BON DIA ARUBA cu nan no tin un cantidad specifico cu nan kier yega, y tampoco tin e garantia cu si nan entrega e firmanan aki, cu Parlamento y of Gobierno di Aruba por haci un cambio al respecto. No obstante esaki, nan lo continua cu e proceso toch, pasobra nan no kier sinta man cruz. “E grupo aki di estudiante ta sinti nan mes hopi ofendi pasobra nan ta considera cu

e estudio y e universidad cu nan a studia na dje, no ta cualifica, mientras cu esaki no ta e caso” Flemming a bisa.

JOSE SPROK

Un di e dokternan mas conoci porta aworaki, ta Jose Sprok cu mester a keda traha na e pais unda cu e la studia pa dokter, y awor ta un titular riba e tereno di cardiovascular, a traha su famia eyan, pasobra e no por traha na Aruba. Recientemente e la solicita pa bira director medico di e hospital na Aruba, pero e condicionnan no tabata apto pa e bandona su trabou aworaki na Costa Rica y bolbe su isla natal Aruba. □



Presidente di parlamento Paul Croes ta kere cu mester keda enfoca mas riba e punto di agenda

Parlamento a cuminsa trata ley di ‘reparatietoeslag’

ORANJESTAD – Ayera for di mainta a trata e ley di reparatietoeslag den reunion parlamento, a trata solamente e prome tanda di pregunta. “Reparatietoeslag” ta un suma cu cada empleado cu ta gana entre 1500 y 2500 florin,

florin, pero awor lo e bay wordo aumenta cu cincuenta (50) florin mas riba e suma inicia di “Reparatietoeslag”. Den a prome tanda diescinco orador a hiba palabra unda cu nan a haci nan preguntanan. Prome Minister Mike Eman

di parlamento Paul Croes ta duna di conoce na BON DIA ARUBA den e reunion por a sinti tog cu nos ta den un aña di eleccion unda cu hopi hende ta desvia for di e topico cu ta trata e ley mes cu parlamento ta tratando, sinembargo parlamento tin compren-

sion debi cu ta den aña di eleccion, pero e parlamentarionan mester duna mas di nan parti cu nan mester keda riba e topico di e ley cu parlamento ta tratando na e momento ey. Un amienda cu sigur a ser treci padilanti ta un areglo di un particion mas husto pa

loke ta trata reparatietoeslag pa tur pensionado na Aruba. pensionadonan di Aruba ta consisti di un grupo di ambtenaarnan cu ta pensionado, pero tambe tin un otro grupo di e sector priva cu no ta hay-



ando e beneficio di e reparatietoeslag aki. E amienda cu a bin padilanti den sala di parlamento ta enbes di duna ochenta y cinco florin na un grupo so di pensionado cu ta esunnan di ambtenaar, lo por reparti esaki den tur e pensionadonan incluyendo esunnan di sector priva, pa asina cada uno por ricibi cincuenta

florin adicional di locual nan tin caba na e momentonan aki, sinembargo e amienda a ser entrega pero no a yega na votacion ainda. Presidente di parlamento a schors e reunion te cu un proximo aviso, pero cu ta kere cu dentro di dos siman lo por yama e reunion aki pa asina e ley caba di wordo trata. □



pero tambe e pensionadonan cu tin un entrada den e mes un sumanan aki, lo haya un suma adicional. Inicialmente e prome “Reparatietoeslag” tabata entre setenta y cinco (75) y cien binti cinco (125)

y Minister Mike de Meza a duna contesta na tur e preguntanan. Despues cu e minister nan a caba di contesta presidente di parlamento a schors e reunion y lo atende e reunion bek durante reces. Presidente

Mayornan mester tin mas envolvimento na scolnan

Parlamentario Independiente Marisol Lopez Tromp ta lamenta cu e 200 mil florin destina pa scol prolonga no a ser poni

ORANJESTAD – Na nos scolnan ta hopi importante pa nos mayornan keda wordo involvi mas den e estudio di nos yiu nan y tambe mantene un bon contacto cu e docentenan. Parlamentario Independiente Marisol Lopez tromp ta kere cu e envolvimento entre mayornan na scol ta hopi importante. Tin casonan cu mayornan ta asina ocupa cu nan trabao nan diario of cu nan ta traha mas cu un trabao y nan no ta ni na altura di ken ta e docente di nan yiu na scol. No ta solamente na momento cu tin oudera-vond e mayor lo mester bay scucha na nos scol un 10 pa 15 min con ta bay cu e hoben nan na scol, esaki mester ta algo continuo cu mester tuma luga cu e docentenan di nos yiu nan.

ATENCION

Segun parlamentario Marisol Lopez Tromp ora cu un mucha ta bay crège hopi biaha e mayornan ta mas pendiente di e mucha si tur cos a bay bon cun’e y cu si e la come. Tam-

be ora cu e mucha bay kleuter tin basta envolvimento di mayor, pero na momento cu e mucha ta bira un poco mas grandi e atencion pa e mucha ta bira menos y na unda cu tin hasta mayornan ta indica cu e contacto ta asina poco. Tin mayor ta busca interes di nan yiu nan, pero hopi biaha e docentenan tambe ta basta ocupa y nan no por atende e mayornan manera mester ta. Segun Parlamentario independiente tin mayor kier un relacion mas di cerca cu docente di nan yiu riba e parti di contenido na scol pa asina sa di antemano di loke nan yiu ta bay haya y con nan por yuda nan yiu nan mes como mayor.

MAYORNAN

E sistema di estudio na Aruba a cambia asina hopi y e bukinan a bira dificil pa nos mayornan compronde debi cu e no ta e mes un bukinan di 10 y 30 aña pasa. E punto principal ta con e mayor por involvi su mes mas na scol y con e docente tambe por haci esaki pa tur cana riba e mes

un liña. Tin scol na Aruba tin comision di mayor y tin otro scol cu no tine. E comision di mayor ta hopi importante e no ta solamente pa e mayornan por recauda fondo pero ta un comision pa involvi den



e parti di educacion y con pa sostiene esaki. Segun parlamentario Independiente caminda cu e mucha tin mester di mas atencion mester dun’e na tempo y no na final di aña ora cu ya caba ta laat, unda cu e mucha lo a keda sinta caba.

AMIENDA

Parlamentario Independiente ta splica cu for di aña pasa den parlamento a boga y a ser entrega un amienda cu ta un cambio di ley pa asina pone 200 mil florin disponibel pa bin cu un dia di scol prolonga,

esaki ta significa scol te atardi caminda cu nan ta haya musica, arte, ayudo cu huiswerk si tin mester. Tur esakinan lo por a haci den e parti di atardi sin cu e mayor tin cu bay paga un capital di placa pe. Henter e proceso aki a wordo primiti door di e gobierno e tem-

po ey pa ehecuta, pero e no a ser ehecuta. Esaki kiermen cu e 200 mil florin cu a wordo poni especificamente pa e scol parti di atardi no a sosode.

PROYECTO

Parlamentario Independiente ta duna di conoce cu tempo cu e tabata Minister di enseñansa e proyecto di scol prolonga a cuminsa na tres scol, pero e la wordo para y evalua, pero nunca no a ser implementa bek. Sinembargo si mester tuma nota loke e departamentonan social ta trece padilanti den e dianan aki, ta cu mayornan no tin vigilancia riba nos muchanan como mayor, hopi biaha nan ta cerca un famia of cu muchanan di barío y cu no tin un vigilancia total manera ta desea. Asina casonan preocupante ta tumando luga den oranan di dia. Parlamentario Independiente ta kere cu e proyecto di scol prolonga mester por ta un realidad pa nos muchanan di Aruba, pero alabes ta lamenta cu e placa cu a pone disponibel no a ser uza pa esaki. □

BON DIA *Aruba***Editor**

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Gerente General

Maruschka Bernadina
Croes

Gerente Editorial

Tito Lacle

Sub-Gerente Editorial

Dionne Fradl-Jie Sam Foek

Redaccion

Arun Chatani
Jenisse Thiel
Kevin van Ommeren
Lia de Cuba
Margarita Els
Maritza Tromp-Lacle
Farrah Boekhoudt

Redactor Deportivo

Nathalie Winterdaal

Colaborador

Oscar Vidal
Seever Krozendijk

International

Mariano Heyden

Fotografo

Dino Tromp
Wendy Kelkboom

Ehecutivo di Benta

Marijke Croes-Luidens

Diseño Grafico

Michael Arendsz

Aviso y Arte

Sandra Loefstop
(Hefe di reservacion)
Gladis Palomino Silva
Lando Rafael
Robert Cortez

Administracion y Distribucion

Mariette Engelhart
Martha Arteta de Ariza
Jenny Lobbrecht - Kelly

Collecion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Yair Gambin
Francis Dirks
Martin Boekhoudt

Agenda di Noticia

Associated Press
New York Press

Afilacion

Sociedad Interamerica
di Prensa (SIP)

DIRECCION

Weststaat #22

Tel: 582-7700 / Fax: 582-7044
email: noticia@bondia.com
BON DIA ARUBA

Ta un Corant redacta y imprimi na Aruba y ta obtenibel di Dialuna te cu Diasabra. Ningun contenido por wordo reproduci sin permiso di Editor. www.bondia.com

Segun Minister Artur Dowers mester atende maldad y sostene e mayornan di bon boluntad

Alabes atende e mayornan cu no tin e bon boluntad of cu no tin e capacidad pa atende cu nan yiu

ORANJESTAD – E fenomeno di gang na Aruba ta keda un topico preocupante. Minister di Husticia Artur Dowers tambe sa di e situacion aki. Na e momentonan aki nos tin muchanan cu ta den e situacionnan aki pa añanan largo, pero e mayor di e muchanan aki hopi biaha no ta carga e responsabilidad como mayor. Minister Dowers ta kere cu un di e erornan ta personanan oportunista politiconan cu na e momentonan aki kier desvia di e discusion, segun Dowers e discusion mester dirigi un parti riba e responsabilidad di cada un di nos, como team pa cu e hendenan cu ta crece den nos sociedad. Segun Dowers hopi di e politiconan no conoce e parti aki paso nan no a biba e parti aki y no ta interesa tampoco kico ta e conse-



Minister Artur Dowers

eyfo den sociedad cu ta persigui e muchanan.

MAYORNAN

Mester atende cu e malo nan y sostene e mayornan di bon boluntad y alabes atende e mayornan cu no tin e bon boluntad of cu no tin e capacidad pa atende cu su yiu. Segun Minister Dowers esaki ta e unico forma cu por trece un

gobierno ta trahando plan di hubentud integral y na momento cu e keda cla lo mester cuminsa actua y mira na unda tin e camindanan pa preveni. Loke cu nos no por kita ta cu tin hende cu maldad den nos sociedad unda cu tin hende ta keda haci maldad paso nan tin beneficio na dje, lo mester actua contra nan, pero tambe

cu gobierno tin awo y ta traha riba dje pa por preveni mas hopi cu ta posibel ta droga, pero alabes bo ta mira un politico ta pro e maldad aki. Sinembargo na momento cu bo por mira kico ta e consecuencia di e droga y bo ta pro e droga esey kiermen bo ta pro di tur e consecuencianan cu e droga ta bin cun'e. Tin



cuencia y kico tur e persona nan ta sufri.

HACI MALO

Pero solamente ta saca un probecho politico na momento cu esakinan ta sosode. Minister Dowers ta splica cu e persona cu a cuminsa lanta e fenomeno di gang y cu a dirigi y a dañi hopi yiu di hende ta persona cu ta traha cu partido MEP directamente den Bestuurskantor y ta ser apoya door di partido MEP pa haci malo. Segun Dowers ora cu ta papia di maldad parti di MEP ta parti di e rais di maldad. Si mester cuminsa combati esaki nos mester cuminsa na momento cu e mucha nace trata di guia e mucha di figuranan cu ta influencia e muchanan aki negativamente y mester por atende cu nan tambe. Mayornan ta haci nan esfuerso grandi pa nan yiunan ta den bon caminda, pero tin e personanan malo cu ta cana



balans den e sociedad, sino lo bo haya personanan cu ta haciendo di malo so. Lamentablemente pa basta aña nada no a tuma luga cu awe Aruba tin un producto cu nos tin cu biba cun'e. Sinembargo

mester traha riba e aspecto preventivo door di educacion y guia social unda cu por tene hopi hende den e bon direccion.

PROYECTO

Un di e proyectonan grandi

adictonan a acerca minister Dowers y nan a trece padilanti cu nan mes cu ta uza esaki y no ta desea pa e droga ser legalisa paso e no ta desea pa mas hende pasa den loke e ta pasando. □

Aruba ta traha cu leyman di paspoort cu ta bin directamente for di Reino

Segun Hefe di Registro Civil y Censo, Censo no ta esun cu ta dicidi si un persona ta haya un paspoort of no



ORANJESTAD – Den un comunicado ultimo Lider di fraccion di Arubaanse Volkspartij (AVP) Rene Herde a anuncia cu lo tin mal informacion cu personanan cu a bay censo pa renoban nan paspoort. Segun Lider di fraccion e hendenan a haya tende na censo cu parlamento di Aruba lo a pasa un ley cu ta encera cu ora un paspoort Hulandes caduca, e persona tin cu haci un peticion completamente di nobo, pa bini na remarca pa un paspoort nobo.

MANDATO

BON DIA ARUBA a tuma contacto cu Hefe di Registro Civil y Censo sra. Sharlin Luydens y ta duna di conoce cu Censo su parti ta pa tuma peticion di paspoort

y ta traha bao di mandato directo di gobernador di Aruba. E proceso di peticion di paspoort censo ta bao di mandato di Gobernador pa solamente tuma e peticion di paspoort, conhuntamente cu gabinete di gobernador, den memey di un parti di e proceso tambe ta den e proceso di peticion di paspoort na censo.

LEYMAN

Aruba ta traha cu e leyman di paspoort, esaki ta e leyman cu ta bin directamente di reino, censo no ta esun cu ta dicidi si un persona ta haya un paspoort of no.

Tur persona cu haci un peticion pa un paspoort mester cumpli cu e rekisitonan cu tin den e leyman di reino. Sinembargo hefe di registro civil y censo a tuma nota di e

A28 | POLITICA

DIASABRA 11 JULI 2013

BON DIA *Aruba*

Ta pidi tur hende pa denuncia mal informacion na Comision di Bon Boluntad y na AVP!

Segun lider di fraccion di AVP tin mal informacion tocante renobacion di paspoort

ORANJESTAD – E dianan aki a yega na cuido di partido AVP di hende cu a bay CENSO pa renoba nan paspoort. Na CENSO e hendenan aki a haya tende cu parlamento di Aruba lo a pasa un ley cu ta encera cu ora un paspoort Hulandes caduca, e persona tin cu haci un peticion completamente di nobo, pa bini na remarca pa un paspoort nobo. E proceso aki, segun e informacion, lo ta uno largo y masha caro. E informacion aki obviamente a spanta hende y pone nan keda un renoba nan paspoort. Tambe e la spanta hende cu tabata kier a usa nan

paspoort pa bay vota na september avor.
MAL INFORMACION
AVP lo tuma contacto cu CENSO pa haya un mas riba e informacion aki y lo pidi CENSO pa corrige cualquier mal informacion cu por tin riba e asunto aki.
Di avor caba AVP por informa cu den Parlamento di Aruba no a trata NINGUN cambio di ley di paspoort den e ultimo cuatro aña. Banda di eury, autonomia di paspoort ta responsabilidad di Reino. Kier nan cu decisionnan riba autonomia di paspoort no ta wordo tuma den Parlamento



di Aruba, pero den Parlamento Hulandes na Den Haag, Holanda.

DERECIBO
AVP ta informa cu e derecho di tin un paspoort ta un derecho cu tur ciudadano cu nacionalidad Hulandes tin. Ningun departamento, partido of gobierno por kita of nega

ningun ciudadano e derecho aki.

Finalmente, ta importante pa tur ciudadano cu nacionalidad Hulandes sa, cu ora di vota dia 27 di september avor, por usa cedula, rijbewijs of paspoort como documentonan legal di identificacion pa por vota. Nos ta pidi tur hende

cu haya informacion manera esun menciona aki y cu ta dada cu esaki ta correcto, pa por fabor tuma contacto cu Comision di Bon Boluntad cu ta supervisa e proceso di eleccion of cu Partido AVP, pa nos por investiga y corrige cualquier informacion si ta necesario. □

articulo di lider di fraccion di AVP y ta keda na gabinete di Gobernador pa por aclaria es-

aki. Tin un pagina di facebook registro civil y censo unda tin tur informacion riba dje. Tur

persona por subi e facebook y asina haya informacion pa loke ta trata paspoort. □

TA BUSCA PA DUNA CUENTA SE BUSCA PARA RENDIR CUENTAS

E dos personanan aki ta usa nombrenan falso. Si bo ta reconoce e cara un di e dos personanan aki of conoce cu ken nan ta relaciona, sea asina bon di tuma contacto na e telefon aki abao.

Estas dos personas usan identidades falsas. Si Usted reconoce a una de estas dos personas ó si Usted tiene información con quienes se relacionan, por favor tomar contacto por medio del numero telefónico incluido.



Ana Maria CATALAYUD PETIT (Alias)
Identidad real: DESCONOCÍ



Jose Antonio GUBAIRA MENDOZA (Alias)
Identidad real: Cristian Omar CABRERA CARTES

E yamada cu e tip cu hiba na identifica of duna paradero di e dos personanan aki lo ricibi un recompensa.

La yamada con la información que lleve a la identificación ó rinde el paradero de una de estas dos personas recibira una recompensa.

☎ (297) 662-6299

Minister di Infraestructura Benny Sevinger, despues cu a dicidi di cambia fecha di Caya Grandi

Contratista y comision a bay di acuerdo cu si proyecto no keda cla boet ta cay

ORANJESTAD - E proyecto di Caya Grandi mester a keda cla dia 4 di Juni anteriormente, pero Minister di Infraestructura Benny Sevinger a cambia e fecha cu e proyecto mester keda cla. Tin un comision cu ta cay bou di Dienst Openbare Werken (DOW), Fondo Desaroyo Aruba (FDA), Infra team y otro instancianan concerni, ta haci supervision di tur proyecto.

Si e contratista cay atras un biaha mas, e comision lo eval-

ua cua ta e stap cu lo mester wordo tuma contra nan.

Den e caso aki e proyecto di Caya Grandi ta cay bou di supervision di DOW, architect, hunto cu consultantenan di Merca y local cu ta mira e proyecto pa Gobierno, segun Minister.

Minister ta sigui bisa **BON DIA ARUBA**, tur ta sinta cu e contratista y ta evalua tur situacion cu tin pa e proyecto. E ta sigui bisa, cu den nan tur

hunto a stipula e fecha di fin di Juli, dia cu e proyecto di Caya Grandi mester ta cla. Pero tur a bay di acuerdo cu si pa e fecha stipula e proyecto no keda cla, boet lo cuminsa cay pa e contratista.

COMISION TA EVALUA
Semper por tin cosnan cu por pasa cu ta for di alcanza di e contratista, segun Sevinger. Den e caso aki e comision ta cay aden unda cu nan ta evalua si e puntonan cu e proyecto

a cay atras ta valido. En caso cu e puntonan aki ta valido e contratista ta haya tempo pa drecha nan, pero si esaki no ta e caso e boet lo bin na vigor. Un boet no ta conta solamente pa e proyecto di Caya Grandi, sino tur proyecto cu Gobierno ta otorga.

BOET TA DRENTA NA VIGOR
Minister ta sigui bisa **BON DIA ARUBA**, cu tur proyec- to tin e mesun standardnan.

Si algo no ta den man di e contratista manera yobida, y si esaki dura pa dos of tres dia, e dianan aki nan lo haya pa asina recupera bek. Pero si ta algo cu e contratista por a premira y nan no tin hustificacion di a cay atras cu e proyecto, e ora ey e boet lo dreña na vigor.

Minister Sevinger a reitera cu tin un comision cu practicamente tur dia nan ta sinta hunto pa analisa y wak e progreso di trabou. □

Despues cu Rene Herde ta perde su postura durante reunion

Incidentenan den Parlamento ta pasa y lo keda pasa segun Minister di Infraestructura

ORANJESTAD - Recientemente den Parlamento tabata tin discusion un biaha mas entre e fraccionnan di AVP y MEP, unda cu lider di fraccion berde Rene Herde a bay riba e reto cu el a haya di Arondino Croes di e fraccion geel.

E discusionnan aki ta bayendo un tiki for di man, y niun hende no por bisa si mokete lo cay entre ambos partido. Incidentenan den Parlamento ta pasa y lo keda pasa, semper y cuando na final nan por tin un adelanto pa pueblo. Segun Minister di Infraestructura Benny Sevinger na **BON DIA ARUBA**, esey ta e intencion tanto pa Gobierno como Parlamento.

Minister Sevinger ta kere cu Parlamento ta autonomo pa atende nan asuntonan. Parlamento tin nan propio comisionnan y mecanismo pa atende cu e tipo di confrontacionnan aki semper y cuando tur hende ta keda ser humano, segun Minister na **BON DIA ARUBA**. Den e caso aki si a haci palabracion y un no a cumpli cu esaki, den Parlamento lo tin e tipo di reaccionnan aki.

POSTURA DI UN POLITICO

Sevinger no ta kere cu e tipo di reaccionnan aki manera esun di Herde no ta pasa tur dia. Pero e debatenan cu ta wordo teni, si ta debatenan

fuerte. Tur cos ta depende con e postura di un Parlamentario of Minister ta den Parlamento. Si e postura di un politico den Parlamento ta uno constructivo y ta duna critica na mesun momento e ta duna sugerencianan con pa purba di solucionar problemanan cu tin den comunidad.

Pa un politico perde su compostura den Parlamento, ta bin pa motibo con e reaccion ta di e otro politiconan y kico nan ta contesta.

MEP TA DESESPERA

Durante ocho aña cu AVP tabata den oposicion, nan tabata tin nan criticanan fuerte riba Gobierno, segun Sevinger. E ta sigui bisa **BON DIA**

ARUBA, pero na momento cu nan tabata lansa e criticanan e fraccion tabata bisa tambe kico nan ta pensa pa haci. Awo cu AVP ta den Gobierno, e fraccion di MEP ta desespera y p'esey ta lansa criticanan. Pero ora di puntra e fraccion di oposicion kico nan lo haci si nan ta sinta den e stoel di Gobierno, e fraccion geel no tin ningun contesta, segun Minister.

CRITICA INFUNDA

Door cu MEP no por duna contesta na e preguntanan aki di AVP, esaki ta pone cu tin un critica infunda, un critica cu no tin validez pa tene cuenta cun'e. Mester tene cuenta door di

no tin critica validez, por tin confrontacionnan den Parlamento.

Minister ta reitera cu Parlamento ta autonomo, y nan tin mecanismonan, tin "huis-houdelijk commissie" pa atende cu e posturanan aki. Pero tambe tin Presidente di Parlamento, cu por yama lidernan di fraccionnan pa adresa riba e incidentenan aki. Hunto den Parlamento e Parlamentarionan mester sali for di e situacionnan aki.

GOBIERNO TA RESPONSABILISA NAN MES

Gobierno ta yega Parlamento pa responsabilisa nan mes riba cualkier topico, cualkier pregunta cu Parlamento tin pa nan, segun Minister. Gobierno semper ta pensa cu debatenan mester bay na un nivel pa pueblo cu ta paga y por ta orguyoso di su gobernantenan y Parlamentarionan. □



PRESENTA E COUPON AKI Y RICIBI 10% DESCUENTO

AM LAUNDRY EXPRESS

Awor laba panja ta un placer....
Na AM LAUNDRY nos ta ofresebo un servicio unico, placentero y agradabel, full airco, TV y FREE coffee pa tur nos clientenan.

Nos ta un self service laundromat... pero si a bo no tin tempo... nos ta ofresebo un servicio completo di laba, seca y dobla panja na un prijs super economico

**Habri 7 dia pa siman di 9:00am - 8:00pm
riba diadomingo di 9:00am - 2:00pm**

Avenida Milo Croes (Dakota) dilanti di Entertainment Center - Tel: 733-2151



HITESS
HIGH TECHNOLOGY SALES & SERVICES N.V.
DUTCH CARIBBEAN

Ata nos super summer special.

For Sliding Gates

DEIMOS Kit
1 BFT DEIMOS motor
2 Remote Control
1 pair di Photocells
1 Blinker cu Antenna
4 Plastic rack di 1m

Valido te cu 10 Augustus-2013
(Tanten cu tin den stock.)

AFL. 1,350.00 incluyendo BBO

Installacion no ta inclui.

Nos horario: Dialuna- Diabierna 8:00 am - 5:30 pm
Diasabra di 8:00 am - 12:00 pm

Email: info-aruba@hitecss.com

Jama nos na 588-5966

*Hold on
to summer.*



PANDORA™ STORE

Paseo Herencia
Noord, Aruba • 297.586.5625

**Boolchand's
Digital World**

Havenstraat #25
Oranjestad, Aruba • 297.583.0147

D'ORLAHN
FINE JEWELRY & WATCHES

The Jewelry Center
Oranjestad, Aruba • 297.582.9544

PANDORA®
UNFORGETTABLE MOMENTS

**Free Gift with Purchase
July 8-15**

Receive a PANDORA single strand leather bracelet (a \$40 USD retail value) with your PANDORA purchase of \$100 or more.*

*Good while supplies last, limit one per customer. Charms shown on bracelet are sold separately. See our store for details.



Na ocasion di yegada di Prome Minister Hulandes awe A decora spiraal rotonde na aeropuerto cu banderanan di Aruba y Hulanda

ORANJESTAD – E fin di siman aki te cu dialuna, Aruba ta ricibi bishita halto di Hulanda den persona di Prome Minister Mark Rutte. Den cuadro di esaki a finalisa cu e trabou di embebecimento na varios parti di Aruba. E rotonde dilanti di aeropuerto a wordo dorna cu bandera di Aruba y Hulanda. Ta prome biaha cu Prome Minister Rutte ta bishita



Aruba den su calidad di hefe di Gobierno Hulandes. Den cuadro di esaki a prepara un programa basta extenso pa e cuatro dianan cu e ta na Aruba. A percursa cu durante e 4 dianan e mira e desaroyo di Aruba y kico mas Gabinete

Mike Eman tin prepara pa wordo ehecuta.

Hunto cu e mandatario Hulandes ta bini personalidadnan importante manera Hans Biesheuvel di MKB, y un delegacion comercial cu representantenan di varios compa-

nia interesa pa establece nan mes na Aruba en conexion cu e posicionamento di Aruba como gateway entre Latino America y Europa. E empresarionan aki algun luna pasa a participa den e conferencia di 'Europe Meets the Americas'.

Mientras cu a tolera hopi cos relaciona cu campaña politico

For di ayera, polis lo actua cu man duro pa sigura orden publico pa proximo 75 dia



Eric Soemers



Aldrich Croes



Drpd Eric Soemers, Trudy Hassell, Aldrich Croes

ORANJESTAD – Entrante ayera Cuerpo Policial no ta tolera asuntonan cu ta contra regla, y cu ta liga directamente na campaña electoral valido pa eleccion pa september awor. Mirando cu falta apenas 75 dia, 11 siman y 11 fin di siman, a repasa e regla y ley nan cu tin stipula cual politiconan y nan hendenan (y comunidad di Aruba en general) mester tene su mes na dje. Si prome cu ayera, a tolera cierto actuacion cu no tabata corecto y contra ley, esey a termina ayera segun Comisario di polis Trudy Hassell.

REPASA E PERIODO ANTERIOR

Despues di a reuni ayera mainta cu e representantenan di tur partido politico, a dicidi di repasa esaki cu prensa ayera tardi y duna informacion di kico tur a keda palabra y kico tur mester tene na cuenta durante e proximo 75 dianan. Entre e puntonan mas importante, ta e asunto di vergunningsstelsel, cu ta encera tur e tipo di permisonan necesario cu mester pa por mantene orden publico durante e proximo temporada electoral.

KICO POR Y NO POR

A muestra cu prome cu ayera, ya caba tabatin varios actividad cu a tuma lugar, cu no necesariamente tabata legal. Loke a mira hopi, tabata paradanan di vehiculo di motor, partimento di sticker y bandera, y tur a sosode riba via publico. "Hopi tabata sin permiso" Hassell a subraya, di cual esun cu mas a resalta

tabata e paradanan riba caminda. "Na cierto grado a tolera esaki pero no ta tolera nada mas cu no tin permiso valido" Hassell a sigura.

A nota cu mayoria di actividadnan cu ta tuma lugar lo y ta tuma lugar den fin di siman, pa cual esaki lo mester keda bon regla. A splica detayadamente riba e.o. actividadnan cu mester di permiso, esnan sin permiso, regla pa parada, regla en general, y regla di comportacion.

ACTIVIDAD

Actividadnan cu ta rekeri permiso, ta tur actividad publico, actividadnan cu ta cobra entrada pa drenta. Actividadnan cu ta pornada, pero unda cu ta cobra pa bebida. Actividadnan cu no mester di permiso, ta reunionnan di contacto na cas di hende, partimento di sticker y bandera riba via publico y tambe reunionnan di partido, cu nan miembronan.

ALDRICH CROES

Mes momento Hassell a introduci sr Aldrich Croes cu ta e persona di contacto durante e periodo nos dilanti, pa tur asunto di eleccion, permiso y tambe riba dia di eleccion mes. Ta trata di sr Aldrich Croes cu ta e hefe di seccion Sta Cruz, cu durante e periodo aki mester ta e persona cu ta encarga cu tur e aspectonan aki. Tambe pa asisti ta sr Eric Soemers, cu ta miembro di management team di Cuerpo policial. Den curso di otro siman lo tin mas informacion riba e asuntonan di eleccion cu tin di haber cu polis. □

SPOED



Het Bestuur van de **Stichting Middelbaar Onderwijs Aruba** roept sollicitanten op voor de vervulling van de volgende vacature bij de onder haar ressorterende school voor HAVO/VWO, het **COLEGIO ARUBANO**.

Wiskunde 1^o of 2^{de} graads volledige dienstbetrekking

Datum van indiensttreding per **1 augustus 2013**

Sollicitaties **uiterlijk twee (2) weken** na het verschijnen van deze advertentie te richten aan het:

Bestuur van de Stichting Middelbaar Onderwijs Aruba
t.a.v. mr. drs. J. Tromp, rector
Vondellaan 14, Oranjestad, Aruba
Telefoon: (297) 582-2005
Telefax: (297) 583-2676
E-mail: colegioarubano@gmail.com

Sollicitatiebrieven en CV's in ieder geval ook per email opsturen.

Van de sollicitanten wordt verwacht een ruime belangstelling voor het onderwijs, een daadwerkelijke inzet bij de realisatie van onze schooldoelen. **U stelt het kind en bovenal het leren van de jongere centraal.**

In de sollicitatiebrief / C.V. dient vermeld te worden:

- I. Naam, volledige voornamen, geboortedatum en geboorteplaats.
- II. Adres, woonplaats, e-mail adres, telefoon- en faxnummer.
- III. Bevoegdheden: in welk jaar behaald.
- IV. Staat van dienst en ervaring/referenties.

Sr. Rudy Lampe di Partido RED

RED no ta focus riba cantidad pero e calidad di su candidatonan ariba su lista

ORANJESTAD- Ta bon conoci cu mayoria partidonan politico ta bezig ta yenando nan lista pa asina dia 9 di Augustus, lo mester haci entrega di e lista di partidonan cu ta bay eleccion.

Sr. Rudy Lampe, di partido RED a declara na BON DIA ARUBA, cu al momento RED tin shete candidato presenta, cu ta representa un tercera parti di Parlamento. El a agrega cu no mester lubida cu partido RED ta traha cu vakministers, of ministernan profesionalnan. Candidatonan riba lista di RED ta candidatonan pa bira Parlamentario. Desde su fundacion RED tabata basa riba e ideologia di democracia Parlamentario.

TAKENKABINET

Sr. Rudy Lampe a sigui bisa, cu den caso cu RED haya e sosten di parti di pueblo, su candidatonan lo keda den Parlamento, pero cu si den cualkier caso, nan lo mester busca un persona cu no ta den politica, pero cu si ta un profesional pa asumi e cartera di minister. Sr. Lampe a enfatisa cu aki na Aruba nos tin democracia Parlamentario. Sr. Lampe a duna nos hermana isla di Corsou, como ehempel.

Akinan tin un takenkabinet y na unda nan a apunta un profesional, p.e. dr. Steven Martina, un ex- CEO di Fatum cu a wordo apunta como Minister di Finanzas. Y tambe Sr. Nelson Navarro, kende ta un abogado prominente na Corsou.

Aki por mira, segun Sr. Lampe, cu na Corsou politi-

conan ta keda den Parlamento y ta apunta profesionalnan pa asumi un cargo ministerial. Esey ta klop tambe cu nos sistema electoral, pasobra cu no ta vota pa un Minister, pero ta vota pa un Parlamentario, un representante di pueblo den Parlamento. Despues ora cu bay forma un Gobierno, ta apunta un Minister. Ta tradicion cu esunnan cu ta mas halto riba e lista, e numbernan mas halto, ta nan ta bira Minister. Y nan ta bay cu tur e votonan. Ta nan ta manda riba e team B, unda ta haya arlamentario cu 50 voto den Parlamento. Y esaki no por bay controla un Minister, cu p.e. tin 5000 voto. E sistema cu tin actualmente, e asina yama Stempelparlament, no por sigui cun'e.

Pero mester bira cu esunnan cu ta den Parlamento, en berdad ta esun cu a haya voto. E minister profesional, tin cero voto. Y ta bay a base di First Strike, Out. E ora ey, realmente ta bin un control di parti di Parlamento.

CANDIDATONAN

RED a anuncia for di prome biaha cu nan a participa na eleccion, nan no a bay cu 29 candidato.

E biaha esaki tampoco ta e caso. Pasobra RED ta focus mas cu nunca, riba kico ta nan programa di gobernacion, kico ta e problema y preocupacion cu ta reina den comunidad.

A base di esakinan, ta bay over na apunta un persona, un candidato cu lo por bay traha riba e problematicanan aki. □



Sr. Rudy Lampe, lider di Partido RED.



iWIN

**WIN 1 OF 31 IPAD®
MOBILE DIGITAL DEVICES!**

**EVERY DAY THIS JULY • 11PM
EARN ENTRIES • NOON - 10:50PM**

Join us every day this July at the Trop Club and Casino for your chance to **WIN AN IPAD MOBILE DIGITAL DEVICE** and other great prizes. Simply earn 25 points on your Trop Advantage® Card to receive an entry. As always, the more club entries you have, the better chance you have to win!

Must be present with a valid ID to win. Management reserves the right to change or cancel promotions at their discretion. Must be 18 years of age or older. Must be a member of the Trop Advantage Club to participate. Play responsibly www.gamblersanonymous.org.



J.E. IRAUSQUIN BLVD. 248
Aruba, Dutch Caribbean
troparuba.com

TROPICANA ENTERTAINMENT CASINOS | TROPICANACASINOS.COM



BON DIA *Aruba*

Si bo ta bebe no

STUUR

Iglesianan Cristian di Aruba ta muestra cu

Leytrato Igual ta Untrato Desigual

ORANJESTAD - Recientemente nos por a tuma nota door di medionan di comunicacion di un proposicion di ley cu ta hiba e nomber "Trato Igual." Riba superficie e proposicion di ley aki ta parce algo bon y bunita pasobra e ta papia di proteccion pa gruponan di persona cu ley mester ofrece proteccion. Manera hende cu limitacion, hende di edad avansa, hende muhe y tambe hende homosexual. Nos constitucion ya caba ta ofrece derecho igual y protec-

cion pa tur hende esey kiermen un ley nobo no ta necesario. Ta parce cu e proposicion di ley aki tin un otro meta su tras. E proposicion di ley "Trato Igual" lo causa hopi daño pasobra e ta un atentado contra libertad di expresion y libertad di religion manera a pasa na Inglatera, Suecia y Canada. Den e paisnan aki predicadonan a wordo aresta pasobra den nan iglesia nan a bisa cu Dios ta stima hende homosexual pero E no ta aproba nan pica di homosexu-

alismo. Como Iglesiasnan Cristian di Aruba nos ta convenci cu Dios ta stima hende homosexual mucho hopi pa laga nan manera nan ta. Pasobra tur hende, incluyendo hende homosexual cu sinceramente bin cerca Cristo Jesus pa haya pordon di nan pica lo wordo yuda. E storia den Bijbel di e muhe cu a wordo gara den adulterio ta confirma esaki. Jesus a bis'e: "Bay y no peca mas." Berdad Jesus no a condena e muhe, pero El a spierta riba

su acto di pica. Loke esnan cu ta bringa pa legalisa matrimonio di mesun sexo ta haciendo ta uza e ley "Trato Igual" pa habri caminda pa matrimonio di mesun sexo drenta via porta di cushina. Nos kier a spierta pueblo di Aruba tocante legalisacion di matrimonio di mesun sexo. Nos leynan existente ta di acuerdo cu Palabra di Dios cu ta declara matrimonio un pacto entre un homber y un muhe. Matrimonio ta Dios Su diseño cu propositonan specifico pa homber, muhe y

comunidad. Un nacion bendiciona pa Dios ta haya su fundeshi den e institucion di famia. Cualquier cambio humano den Dios Su diseño pa matrimonio y famia lo trece consecucionan negativo pa e individuo y pa comunidad. Nos ta anima pueblo Cristian di Aruba pa sigui para firme na favor di e Palabra di Dios ora ta trata matrimonio y famia. Pastornan di Iglesiasnan Cristian di Aruba cu por wordo contacta via e-mail pastornan-aruba@hotmail.com. □

Den cuadro di preservacion di nos Herencia "Pro Catedral San Francisco di Asis",

Obispo Secco a firma pa cuminsa cu renobacion y restauracion di Misa di Playa

ORANJESTAD - Den cuadro di preservacion di nos Herencia "Pro Catedral San Francisco di Asis", awe dia 11 di juli Monseigneur Luis Antonio Secco, a firma un acuerdo cu e contratista pa cuminsa cu renobacion y restauracion di Misa di Playa. Trabou ta encera drechamento di dak, muraya, blafon, altar, koor y lo tin un duracion di aproximadamente 4 luna. S.S. di Misa ta sigui manera custumber den hofi/cura di pastorie. Lo maximo ta wordo haci pa tur hende sinti nan comodo den hofi/cura di pastorie. Pastoor ta gradici, tur su parokiano pa e cooperacion y comprension pa cu e situacion. □

**BACKSTAGE SALON
ARUBA**
Ta busca
**KAPSTER
CHIROPODIST
VOETREFLEXZONE
THERAPEUT**

Contact persoon: sra. Ivone Simon Andrade
Adres: Dr. Hendrikszstraat # 26
Tel: 583-3511

Prome cu solicita of yama, mester pasa registra na DPL Seroe Blanco #4, cu un cedula of papel di Afl. 5,= di Registro Civil entre 7:30am - 11:00 mainta di Dialuna pa Diabierna.

Despues di 6 siman lo evalua su prestacion pa e bira 'vast'

Graduado di medicina den region Donald Bermudez ta cuminsa traha bou supervision den hospital

ORANJESTAD - Ultimo tempo por tende hopi comentario riba e situacion di dokternan cu a studia den nos region di cual nan diploma no ta BIG-registra. Esaki ta topico di dia e ultimo tempo y hasta a lanta un comision cu ta colectando firma pa duna sosten na e grupo aki cu ta studia den region y cu no por traha den ningun institucion medico na Aruba pasobra nan diploma no ta BIG certifica, loke ley ta prescribi. Gobierno y hospital hunto cu VU Amsterdam ta trahando pa yega na un solucion pa e 'problema' aki. Pero prome cu e trayecto aki ta cla pa wordo implementa, a traha riba un otro trayecto pa asina duna hobennan cu a regresa nan pais pa haya oportunidad pa yega na eherce nan funcion. Diahuebs dokter Augusto Bermudez a haya su



badge pa e por drenta hospital y traha durante 8 siman den departamento di emergencia bou supervision di specialistanan cu hopi aña di experiencia. Na fin di e 8 simannan aki su trabou ta wordo evalua y si e specialistanan haya cu su trabou tabata satisfactorio e por traha na IMSAN como

poortarts. Den presencia di dokter Daryanani, hefe medico di SEH, zuster Imelda de Palm, zorgmanager di SEH, dokter Huisman, esun cu ta bay evalua Augusto Bermudez, dr. Jaime Falconi director medico di dr. HOH, sr. Bart Kool, consehero di Minister Visser y Prome Minister Eman, Augusto Bermudez a haya su badge pa asina e por traha den sala di emergencia di hospital. Tabata un momento di alegria y satisfaccion p'e cu despues di basta contratiempo e por a logra haya e oportunidad aki. Na final di e ceremonia cortico dokter Augusto Bermudez a haya su badge pa asina dialuna awor e por cuminsa cu su periodo di trabou den departamento di emergencia loke ta sosode bou supervision. □





Bishita di Bario

13 JULI: CHENG'S Supermarket (Noord)
Ora: 3.30 - 7.00 pm

Durante "bishita di bario"

- Premio pa tur hende cu compra Frisian Flag
- Participa pa gana supermarket voucher y bon di gasolin
- Dino Jump y hopi ambiente

CREA UN LEMA
pa e lechi faborito Frisian Flag

Entrega e lema durante nos "Bishita di Bario" riba e formulario oficial of na Compra N.V pa por gana e Hyundai EON.

Ultimo dia pa entrega registros: 23, 2013

Acusado a sali for di sala di Corte ta zundra so

Sentencia den caso di Guarda Costa cu a intercepta boto carga cu marihuana, cocaína y heroína



ORANJESTAD – Rudolf Maduro no a keda nada contento cu su sentencia y a sali for di sala di Corte ta blo reclama. Ayera mainta Rudolf a presenta dilanti Hues pa scucha su sentencia. Hues a bisa cu e ta haya legalmente proba cu Rudolf a importa cocaína, heroína y marihuana. Hues a muestra cu segun e rapport di Guarda Costa, riba radar nan a mira e boto bay direccion di Venezuela y cu e boto a para banda di un otro boto pa un rato y despues a bolbe. Hues a rechaza e ponnencia di Rudolf cu ta cuminda el a cuminda un otro boto cu el a topa ora e tabata navega. Hues a muestra cu Guarda Costa di biaha a intercepta e boto aki y a bin haya dos tanki cu droga. Ademas den un cabina a haya otro dos tanki cu droga. Hues a bisa cu Maduro a bisa cu personal di Guarda Costa lo a kibra e cabina y pone e tankinan banda di dje. Hues su opinion riba esaki ta cu e no tin ningun duda riba

e rapport di Guarda Costa. Hues a bisa cu Maduro a bisa durante tratamiento di e caso cu e lo a pisca pero Guarda Costa no a haya nada. Na opinion di Hues, Maduro ta gaña. El a bisa cu e no ta kere cu personal di Guarda Costa lo bay carga piscanan pone otro caminda pa demostra cu Maduro no tin pisca. Hues indica cu den e cel di Maduro a haya potret di e tankinan cu e droganen aden. El a bisa Maduro cu e no ta kere cu aki personal di Guarda Costa lo a saca e potretnan aki pa incrimina Maduro. Hues a bisa cu ta basta droga a keda confisca. Ta trata aki di 51 kilo di marihuana, 9 kilo di cocaína y 3.3 kilo di heroína. Hues a remarca cu heroína ta un droga masha peligroso mes y esaki ta causa hopi daño na hende. Mirando e cantidad di droga cu a keda confisca, Hues a bisa cu e no ta kere cu esaki ta solamente pa consumo local sino pa exportacion. Hues a tene cuenta cu Maduro

ta un first offender o sea cu ta prome biaha cu e ta cay cera pa un caso asina. Hues tambe a tene cuenta cu castigo cu Hof ta duna pa casonan asina. Hues a bisa cu e ta confirma e exigencia di Fiscal cu ta 3 año y 6 luna di prizon. E boto lo wordo debilbe. Maduro a remarca cu e tabatin un cartera abordo di e boto. Hues a bisa cu el a check den e rapport di

Polis y esun di Guarda Costa pero no ta menciona nada di esaki. Maduro a bisa Hues cu ta mas cosnan el a perde entre otro ekiponan di pisca y dive. Por a nota cu Maduro tabata bastante rabia cu e castigo. El a bisa cu tipo di cosnan asina, referiendo na loke lo a pasa cu su pertenencianan, si no ta sosode nada. Hues a bisa Maduro cu e por en-

trega keho. Segun Maduro, el a entrega keho pero nada no a sosode. El a remarca cu miembronan di Guarda Costa no a saca ningun potret di loke nan a haya riba e boto. Hues a bisa Maduro cu e por apela e sentencia y Maduro den un tono excita a bisa cu e ta apela e sentencia di biaha. El a sali for di sala di Corte ta blo critica so. □



Aruba's First Coinless Laundry

- Self & Drop off services (wash, Dry & fold available)
- No need to worry about coins, all you need is the Laundry Card!
- The Money Card is reusable
- Laundry detergents available
- We have very large washers for big comforters also we have hot water.

- ★ **Do your Laundry while watching Tv or Surf the Internet**
- ★ **Only 5 minutes walking from the High Rise Hotels (next door to Wendy's)**



Tel: 586-7556 Come and see Vangie she's very helpful and friendly

OPEN 7 DAYS A WEEK, INCLUDING HOLIDAY!
Monday - Sunday from 8:00 am 9:00 pm NON-STOP

1 aña di prizon pa hoben cu tabata cana arma cu pistol carga cu bala



JOB OPPORTUNITY

Arion Wine Company N.V. is a wholesaler in the beverage sector and has the following vacancy:

PURCHASING AND LOGISTICS ANALYST

We are looking for a motivated, conscientious and flexible team player to join our team. Candidates must possess good communication skills with the ability to develop effective working relationships. Good attention to detail is critical. This role involves close liaison with both suppliers and internal departments on a daily basis. Also a blend of working from own initiative combined with working towards business goals and objectives as directed by Management.

Duties to include:

- Responsible for maintaining, tracking and analyzing all shipments
- Evaluate existing capabilities and establish new systems and process for the tracking, measurements, reporting, and analysis of all shipments
- Will identify logistics areas for process improvement and cost savings to ensure expectations are met
- Providing reports to management; inventory, freight, distribution, market/product research
- Reviews system ordering suggestion for accuracy and optimum delivery and correct pricing
- Lead the analysis and provide statistical information on the tracking of the shipments and inventory.

Criteria required:

- Excellent organisational skills, ability to prioritise work loads
- Speak and write Papiamento, Dutch and English
- Excellent telephone manner
- PC literate – Excellent working knowledge of excel
- Team player
- Deal with manufacturers with a high standard of communication
- To work closely with Managing Director and Assistant Managing Director
- Ability to meet deadlines
- HBO degree or equivalent ability

We offer competitive salary, training, dynamic and pleasant work environment.

You can only apply by sending your resume to amd@arionwinecompany.com
And we accept applications until July 26, 2013.

ORANJESTAD – Ayera mainta Eddy Simmons y Michael Wilson a presenta dilanti Hues pa scucha nan sentencia. Nan ta wordo acusa di posesion di arma di candela y droga. Ademas cu lo tabatin menaza contra Polis. Tur cos ta muestra cu lo tabatin un persecucion di Polis tras di e auto cu e duo aki tabata aden y na dado momento nan no a baha na pia. Simmons a wordo haya cu droga y un pistol carga cu bala. Wilson a wordo haya cu droga. Ademas di esaki, tin acusacion contra Simmons di a menasa un agente di Polis cu e pistol. Tambe tin e acusacion contra Wilson di complice di posesion di arma di candela.

SENTENCIA

Hues a cuminsa cu su decision riba Simmons. El a bisa cu Polis a gara Simmons cu cocaine y marihuana riba 17 Februari 2013. Hues ta haya esaki legalmente proba y tambe cu Simmons riba e mesun dia ey tabatin un pistol carga cu bala den su poder. Hues a bisa cu loke e no ta haya proba ta e menasa di Simmons cu e pistol contra un agente di Polis.

Parce cu durante e persecucion na pia, un agente di Polis a traha un relato mustando cu ora e tabata coriendo tras di Simmons, esaki lo a saca un pistol p'e. Hues a bisa cu e ta haya esaki mucho fofo. El a bisa cu no tin ningun prueba cu ta sostene esaki. Hues a remarca cu e por tabata un pistol di aire tambe. E hecho cu despues a haya e arma cu Simmons a benta afo, no ta prueba di loke e agente a bisa. Hues a declara Simmons liber pa e acusacion di menasa di un agente di Polis.

Hues a sigui bisa cu ta trata aki di un caso hopi serio, caminda Simmons ta cana cu arma carga cu balanan. Hues a bisa cu tin un diferencia ora un persona tin un arma na su cas y ora e ta cana cu esaki y cu bala aden. Ora un persona

ta cana arma, e ta bira un asunto hopi mas serio. Hues a bisa cu e ta tene cuenta cu castiganan cu Hof ta duna. El a enfatisa cu na Aruba comunidad no kier pa hendenan ta cana cu arma riba caya. Esaki ta causa cu un ora pa otro por tin tiramento. El a condena Simmons na 1 aña di prizon, kitando e tempo cu Simmons ta sera na KIA. Tambe Hues a duna orden pa saca e arma y balanan for circulacion. E droganan tambe mester wordo destrui.

Pa loke ta Wilson, Hues a bisa cu e ta declar'e liber pa e acusacion di posesion di droga na e cas. E tabata keda na cas di Simmons y den un camber a haya droga. Wilson no tabata sa di e droga y Simmons a admiti cu e droga ta di dje. Den e caso cu Polis a haya Wilson cu cocaina y marihuana, Hues ta haya esaki legalmente proba y cu Wilson mes a admiti cu ta pa propio uzo. Hues a bisa cu investigacion di Polis haci ta muestra cu no tin indicacion cu ta pa bende. Den e caso di arma cu bala, Hues no ta haya legalmente proba e acusacion cu Wilson ta complice. Hues a bisa cu ta un hecho cu Wilson tabata hunto cu Simmons den auto pero Wilson no tabata sa mes cu Simmons tabatin un arma. Hues a declara Wilson liber di e acusacion di posesion di droga den e cas y tambe liber di e acusacion di complice di posesion di arma. Pa loke ta e droga cu Wilson tabatin cun'e, Hues a bisa cu no por permiti pa tin droga den posesion. Pa esey el a condena Wilson na 1 luna di prizon y a duna orden pa destrui e droganan. Hues a laga Wilson liber e mesun dia. Hues a bisa nan cu e ta spera cu nunca mas e lo mira nan den Corte. Wilson a pidi Hues pa un carta di Corte cu ta muestra cu e ta inocente pa e haya su trabou bek. Hues a bis'e cu e lo tin cu papia cu su abogado riba esey. □





MANGO

**SALE
UP TO
70%
OFF**

MANGO.COM

NEW COLLECTION AVAILABLE • ORANJESTAD, CAYA G.F. BETICO GROES, 9

Gobierno ta condena e caso:

Polis a detene hoben di 15 aña den caso di maltrato di Benchi Leon!

WILLEMSTAD – Polis a detene e hoben di 15 aña cu tabata wordo busca relaciona cu e caso di maltrato di Benchi Leon. A detene e hoben awe mainta, un dia despues cu autoridadnan a haci un apelacion urgente na su persona pa e entrega.

Gobierno di Corsou tambe ta di shock pa e caso. “Cu repudio, Gobierno a tuma nota di e caso di maltrato di un hende grandi den nos trafico. No tin niun, pero niun argumento cu ta hustifica e cos aki”, asina minister di Husticia Nelson Navarro a declara.

Navarro tabata referi na e caso di e siman aki, den cual dos hoben a maltrata e conocido ciudadano Benchi Leon, debi na un infraccion den trafico. E dos hobennan a considera, cu e ciudadano aki no mester a stroba nan den trafico y nan a persigui’e, rank’e saca for di su pickup y a maltrat’é malamente, lagando e ta sangra banda di su vehiculo. Benchi Leon a

sufri un fractura na su craneo y multiple otro lesion. E ta interna den cuido intensivo di Hospital St. Elisabeth y su situacion ta di preocupacion.

Polis entretanto a detene e prome agresor y ta en busca di e di dos. Polis sa ta ken e ta, a bay busk’e na cas i na varios otro caminda, pero no a hay’e ainda. Pero ta un cuestion di tempo, vocero di polis Reginald Huggins a sigura. Polis a haci un yamada publicamente riba dje y su famia ayera pa e mes bay entrega, pa evita mas problema pa e mes.

Minister Nelson Navarro a expresa su palabranan di conbibensia cu famia di e victima di maltrato aki y el a bisa cu por constata cu agresividad a aumenta drasticamente den trafico. A para bira awor, el a splica, cu ta maltrata hende di edad avansa tambe. Nos como comunidad y como Gobierno no ta bay acepta e cos aki. El a anuncia cu el a duna instruccion con ta atende cu e agresividad aki

den trafico.

Navarro a haci un apelacion riba comunidad pa yama y duna informacion na polis, den caso cu nan nota un caso di agresividad asina ‘ki. Ta bon pa yama polis, duna e number di auto. Nos mester pone un stop na e cos aki, el a bisa finalmente.

Anteriormente ayera Polis a pidi e hoben di 15 aña cu ta implica den e caso aki pa e entrega na autoridadnan. Ta trata di un hoben cu ta cera den GOG. Ta trata di un hoben di diescincu (15) aña di edad cu ta biba den e area di Montaña. E ta un hoben cu a huy di G.O.G.

Despues di un investigacion profundo cu polis a realisa den e caso di maltrato severo contra di un homber di ochentishete (87) aña aki, dialuna dia 8 juli 2013 alrededor di 22.00’or, polis a detene e prome sospechoso den e caso aki. Despues cu algun trabou investigativo a tuma luga y cu a atende cu algun hende, finalmente e



Hoben envolvi den maltrato di anciano, Benchi Leon.

homber sospechoso C.L.M., naci na Corsou, 23 aña di edad a presenta na Departamento di Atraco Team den compania di un pariente hopi responsabel y a entrega su mes na polis. E sospechoso a keda detene na e sitio mes y despues di a presente dilanti di un Fiscal auxiliar el a keda cera pa mas investigacion. Ayera fiscal a prolonga su detencion cu 8 dia mas.

A bay un suplica serio ta bay na e otro hoben aki pa e entrega su mes na cualkier warda di polis mas pronto posibel of e por yama 8666-140 / 8666-192 of 911 i polis mes ta bin busk’e caminda e ta. Polis a bisa cu ta bon pa e entrega pa asina e evita cualke inconveniencia pa su persona. Na ultimo momento awe mainta a bin informacion cu a detene e hoben. □

Ballast Nedam a presenta e plan:

Diseño definitivo di hospital nobo ta cla

WILLEMSTAD – E diseño definitivo pa e hospital nobo ta cla. A inclui tur e rekisitonan arkitektonico y den e dimensionnan mas detaya. Tambe a calcula e construccionnan di beton te den detaye.

A diseña e instalacion tecnico, tanto electrico, mecanico y di friamento cu e instalacionnan di lift y nan ta cla pa ehecuacion.

Un delegacion di e compania di construccion Hulandes Ballast Nedam, recientemente a duna un presentacion den Fort Amsterdam di e plannan completamente elabora pa construccion di un hospital general nobo pa Corsou. Aparte di Prome Minister Ivar Asjes tabata presente di parti di Gobierno, e Minister di Salud, Medio Ambiente y Naturalesa, Ben Whiteman, e Minister di Financia, José Jardim y e Minister di Husticia, Nelson Navarro.

Originalmente construccion di esaki tabata planea riba e tereno caminda Amstel tabata ta. Riba preguntanan al

respecto Ballast Nedam a notifica Gabinete Asjes cu por realisa e plan bon studiá aki hopi bon na un otro tereno habri (green field).

Meimei di 2012 a selecta Ballast Nedam como e miho candidato pa e proyecto Nos Hospital Nobo (NHN) cu (U) SONA a hinca den otro riba peticion di Gobierno. For di e di dos mita di 2012 EGM Architecten, e oficina local di arkitecto OeverZaaijer Lyongo, Valstar-Simonis pa e instalacionnan tecnico y Ballast Nedam mes pa e partinan di construccion, a traha intensivamente y cu experticio na elaboracion di e plannan.

Concepto di cuido y Programa di Eksigensia

E plan ta cubri tur e provisionnan di cuido cu minister Ben Whiteman na September aña pasa a considera necesario. P’esey e nivel total di e diseño ta coresponde sin nachi cu vision cu Minister Whiteman a presenta na cuminsam-

ento di 2013. A traha e diseño cu conocimiento di cuido di salud y e liñanan den kuido di un hospital eficiente, flexibel y moderno.

E plan ta cumpli tambe cu un Programa extenso di Exigencia cu mas di 8000 exigencia funcional i di espacio manera USONA a stipula na 2011. E diseño ta cubri un superficie di vloer di 37.5000 m² sin conta un atrium y sitio ta topa hende di 3500 m².

E plan aki ta provee 300 cama; mita di nan ta den un camber di un persona, tur cu facilidadnan sanitario, accesibel pa rolstoel y conforme e ultimo ideanan di cuido y construccion di hospital, incluso protocol riba tereno di higiena y pa preveni infeccion na e OK (sala di operacion), Cuido Intensivo, sterilisacion central, etc. E diseño manera a elabor’é awor completamente te den e detayenan mas chikito, ta cumpli cu e nivel di LEED Oro di e clase di durabilidad. E diseño ta permiti cu ta agrega un laboratorio com-

pleto, si Gobierno dicidi esey.

Ambiente

Tur asunto ta fiha riba e miho cuido y cura posibel (healing environment), incluso hardin cu hopi sombra y riba privacidad di e pashent. Ta aplica tecniconan state-of-the-art pa un ambiente agradabel. E reparticion ta conforme e ultimo desaroyonan di e tecnica medico, tambe pa por duna un contribucion adecua na drecha cuido di salud y cuido di pretension na Corsou. Den tur esaki a wak tambe miho circunstancia di trabou, manera cu ta aplica recursonan tecnico pa reduci e trabou fisico di e enfermeronan.

Proceso di construccion

Ballast Nedam a mostra Gobierno cu conforme e contracto e construccion por cuminsa den di dos mita di 2013. Ta calcula cu e periodo di construccion ta dura algo mas cu dos aña di moda cu e hospital nobo por ta cla na fin di 2015. Pa loke ta colo, bista, reparticion etc. e diseño ta duna

un iradiashon placentero y informal, dirigi riba hende: pashent, empleado y bishitantenan. Los di e contribucion enorme na calidad di e cuido, e periodo di construccion lo duna un impulso grandi tambe na economia di Corsou y na empresanan local. Ta bay haci uzo di trahadonan local. Localmente ta compra material y e proyecto ta un inversion den conocimiento specifico. Nan a calcula cu e plan aki lo nifica cu durante dos aña y mei alrededor di 300 hende ta haya trabou directamente den e proyecto, loke ta un impulso grandioso pa economia y empleo.

E plan manera a present’é ta keda den e presupuesto y e cuadronan pa gastonan di explotacion, caminda a stipula tambe den e contracto cu Ballast Nedam durante 15 aña ta keda haci mantenccion y maneho di e edificio nobo. Manera a informa anteriormente, e proyecto di NHN awor ta cla pa e fase di ehecuacion. □

Conseho di Minister a aproba 273 Miyon florin pa stimula economia

WILLEMSTAD – Conseho di Minister a bay di acuerdo pa inverti 273 miyon florin pa stimula economia di Corsou te cu 2016, di cual lo cuminsa cu proyectonan na balor di 70 miyon florin e aña aki.

Gobierno su maneho no ta solamente pa baha gasto y subi entrada, pero tambe pa duna un estimulo na nos economia. Minister di Financia drs. Jose Jardim a splica cu e pakete di estimulo pa e aña aki ta encera siguiente proyectonan den esfera socio economico: 14 miyon florin pa drecha cas di grandinan; 14 miyon florin na drechamento di scol; 14 miyon florin den compra di panel solar pa scolnan; 11 miyon den salubridad di cual 6 miyon florin ta bay den re-

construccion di Poli; den infraestructura ta bay inverti 70 miyon den proximo añanan, di cual ta bay inverti e aña aki un suma di 30 miyon florin; den drechamento di playa ta inverti 2 miyon florin; den combatimento di criminalidad ta bay 5 miyon florin na compra di ekipo y auto pa cuerpo policial i lo inverti den construccion di un centro di training na DOK.

Pa realisa financiamiento di e prome fase di e proyecto aki gobierno lo subi mercado di capital haci esaki a traves di solicitud habri pa inversionistanan inscribi.

Na momento cu cumpli cu normanan di Cft, Hulanda lo por inscribi pa por fia na in-




Drs. Ivar Asjes, Minister President di Corsou.

teres mas abou. Minister President drs. Ivar Asjes a muestra riba e echo cu Gobierno a tuma e prome paso pa muestra comunidad cu

ta bay inverti awor. Cu e señal aki palabra ta na sector priva tambe pa di nan parti inverti tambe den nos economia. Gobierno t'ey pa facilita in-

versionistanan y ta yama bon bini na esunnan cu kier inverti den proyectonan cu ta complementa proyectonan cu Gobierno ta bay inicia. □



Na Leiden

Ministerio Publico ta comete blunder door di duna laptop cu pornografia infantil bek na doño

LEIDEN – Husticia e siman aki a comete un fout barbaro e siman aki, door di duna un laptop cu tabata contene pornografia infantil bek na su doño, un sospechoso di 38 aña. Dos dia despues polis ta bolbe bati na porta di e homber na Leiden, pa pidi e aparato bek pa controla si esaki ta liber di pornografia infantil, pero e sospechoso a bisa e agentenan cu el a destrui esaki. Esaki segun un vocero di e parket di Ministerio Publico diabierna despues cu e noticia aki a sali den publicidad. Ministerio Publico no mester a duna polis permiso pa debilbe e laptop bek na su doño, ya cu esaki tabata tin beslag ariba dje. E laptop no a wordo haya den e residencia di e sospechoso. E caso aki a hala hopi atencion. Ademas di a wordo acusa di pornografia infantil, e ta wordo sospecha tambe di a traha un afspraak via internet cu un mucha homber di 13 aña. □

Apertura di casnan nobo na Fundacion Verriet:

Desaroyo importante den cuido di personalidadnan desabilidad

WILLEMSTAD - Cu e apertura oficial di e casnan nobo pa cliente na Fundacion Verriet, a dal un paso dilanti importante pa cuido di personanan cu desabilidad. Piscis, Arco Iris, Girasol, Flora y Fauna, Rosa en Safari ta e viviendanan di Fundacion Verriet. A habri esakinan oficialmente

diahuebs 11 di Juli. E casnan aki ta brinda vivienda na clientenan cu un desabilidad multiple grave. E acto di apertura oficial tabata na encargo di e cliente Rosa Stroop. Durante di e apertura tabata presente personal y cliente di Fundacion Verriet. E proyecto aki tabata posibel danki na financiamiento for di fondo di AVBZ.

E casnan

E casnan nobo ta brinda caminda di biba na 44 cliente cu un desabilidad multiple grave (EMG-clënten - Ernstig Meervoudig Gehandicapt). E clientenan aki tabata biba den e edificio caminda antes tabata Monseigneur Verriet Instituut. Na comienso di e aña aki ya algun cliente a muda pa e casnan nobo na Emmastad. Awor a traslada e otro clientenan na e casnan nobo na Salsbachweg. Cada cas tin espacio pa seis pa ocho cliente. E casnan tin un reparticion amplio. Dos habitante ta comparti camber. E cambernan ta basta amplio i den cada cas tin un cushina, un luga pa warda cos, un washok y un camber di trabou pa per-

sonal. Ademas e clientenan por sinta riba e terasa di nan cas y disfruta di e ambiente di pafo. E esfera den e casnan ta agradabel y casero. Dos di e casnan ta 'verpleegunit'. Esaki ta encera cu clientenan cu tin mester di cuido (medico) extra ta haya aki mas atencion y cuido intensivo.

'Snoezelruimte'

Banda di e apertura di e casnan a habri tambe e 'snoezelruimte' di Fundacion Verriet. Un 'snoezelruimte' ta un camber cu un esfera agradable cu tin diferente atributo pa stimula sentidonan y yuda un cliente haya tranquilidad. E 'snoezelruimte' ta ekipa cu aparatonan moderno.

Benefishinan

E apertura di e casnan ta un

paso pa bay dilanti importante pa cuido di personanan cu desabilidad. Cu e reconstruccion grandi aki a logra subi calidad di cuido. E casnan ta cumpli cu tur condicion. E clientenan mes tambe ta experiencia e mehoracion aki. Den pasado nan caminda di biba tabata mas limita. For di momento cu a trasladá nan pa e casnan nobo, e clientenan tin menos problema cu comportacion y ta drumi miho anochi. E clientenan ta sinti nan mes na cas.

Gradicimento

De SGR-Groep y en particular Fundacion Verriet ta masha agradecido na e administradonan di e fondo di AVBZ pa financiamiento di e proyecto. Ademas e proyecto no por

tabata posibel sin e esfuerzo di e contratista Delfina Construction, Marvin Thodé y e propio personal di De SGR-Groep.

De SGR-Groep

Bou di Stichting voor Gehandicapt en Revalidatiezorg (De SGR-Groep) ta cay e fundacionnan di trabou Fundacion Verriet (cuido na personanan cu desabilidad), Revalidatiecentrum Curaçao i Curaçao Orthotics & Prosthetics (un shop ortopedico). Den 2004 tabatin un integracion entre Stichting Zorg voor Verstandelijk Gehandicapt y Monseigneur P.I. Verriet Revalidatie- en Wooncentrum. E integracion aki a resulta den e fundacion central, De SGR-Groep. □

Reportahenan di rating hopi positivo pa Aruba Airport Authority:

Moody's y Fitch ta mantene ratingnan pa Aeropuerto di Aruba na BAA2 y BBB cu outlook stabiel

ORANJESTAD - E compania di Credit Rating "Moody's" a anuncia cu e ta mantene e rating pa Aruba Airport Authority N.V. (AAA) na Baa2, mientras cu "Fitch Ratings" tambe a afirma e rating "BBB" pa Aruba Airport Authority N.V. su entrada di USD17.2 miyon bonds cu ta caduca den 2015. E rating outlook ta stabiel. E rating di Moody's Baa2 ta refleha un BCA di 9 (ekivalente na Baa2) relaciona cu e hecho cu Gobierno di Aruba ta doño y tin un dependencia hopi halto. E rating ta considera tambe e hecho cu AAA ta e

unico aeropuerto na Aruba, y e ta hunga un rol critico den e economia cu ta wordo predominá pa turismo. Nivelnan di "enplanement" a keda subi anualmente desde 2009 y a wordo minimalmente influencia door di e recesion economico global. Forsa adicional den credito ta bin door di e economia relativamente stabiel y sistema institucional na Aruba, cu ta wordo goberna como un miembro autonomo di Hulanda (cu tin e rating AAA). Factornan cu tambe ta wordo menciona den e BCA ta e sistema legal y proteccion di inversionistanan den



e "Indenture". Esakinan ta inclui e pacto di debe cu ta igual na 1.35 biaha di e "debt service coverage", un reserva di debe maximo anual pa cada serie, y un lock-up di dividendo igual na 1.50 biaha di e "debt service". Pa e reportahe completo di Moody's bishita www.moody.com.

Segun Fitch, e prestacion financiero faborabel di Aeropuerto Internacional Reina Beatrix ta wordo sosteni primordialmente door di su crecimiento di trafico continuo hunto cu e implementacion di control di gasto. Recientemente aeropuerto su entrada total durante e prome kwartal di 2013 a crece cu 6.2 por ciento si compara e mesun

temporada di 2012. Gastonan total di e prome kwartal di 2013 a crece cu 1.6 por ciento, dunando un margen operacional 11.7 por ciento mas halto cu e mesun kwartal di 2012. Cantidad di pasaheronan a subi na un "compounded annual growth rate" (CAGR) di 1.8 por ciento den e ultimo 5 añanan. Demanda na aeropuerto den e ultimo 10 añanan, ta sigui stabiel y resistente na fluctuacionnan economico global, reflehando e isla como un destinacion turistico consolida. Fitch ta spera cu e prestacion di trafico stabiel lo continua durante e existencia di e notanan, hunto cu e patron historico, y e riesgo di volumen parcialmente miti-

ga. Aeropuerto su prestacion operacional y financiero a keda den liña cu Fitch su expectativa y ta wordo spera cu e lo sigui provee flexibilidad financiero durante e bida di e notanan. Parti di e balansa restringi di placa ta muestra cu lo keda den e budget proyecta di CIP y sin deteriora e perfil financiero. Stabilidad na e estructura di costo tambe ta wordo anticipa pa sigui riba un base pa sigui pa dilanti, reflehando e experiencia y familiaridad di e experiencia cun'e. Ora di forma Fitch su "base" y casonan di rating, Fitch ta asumi e rate di cambio, y PFC pa keda constante durante e bida di e notanan. Fitch su "base case" a considera cantidad di pasahero y entrada di concesion pa yega un CAGR si 0.3 por ciento y 1.6 por ciento, respectivamente, te cu 2015. Adicionalmente, Fitch ta mira un escalacion constante di 5 por ciento (termino real) riba gastonan operacional anual, y un aumento di impuesto di ganashi anual di 2 por ciento te cu e amortizacion final. Bou di e escenario di e base case, e DSCR minimo natural ta calcula na 1.78x, cu un averahe di 1.81x. Fitch su Rating Case, ta considera e cantidad di pasahero y entrada genera door di concesion pa yega un CAGR di -2.2 por ciento y 0.9 por ciento, respectivamente, te cu 2015. Fitch ta spera tambe un escalacion constant di 7 por ciento (termino real) over di gastonan operacional anual, y un aumento di impuesto di ganashi di 3 por ciento te cu amortizacion final. Bou di e "rating case", e minimo proyecta di DSCR natural ta 1.46x, cu un averahe di 1.55x. □



Biblioteca ta reintroduci boet na September

ORANJESTAD - Durante vakantie grandi biblioteca ta habri y ta brinda e servicio di presta buki na publico cu un orario adapta. Miembronan di biblioteca cu ainda tin buki na cas di cual nan fecha a vence por entrega nan trankilamente sin preocupa cu mester paga boet. Pero esaki ta cambia na september proximo. Tur miembro di biblioteca por entrega bukinan cu a fia sin paga boet pasobra biblioteca lo no cobra nada te cu fin di Augustus. Biblioteca ta haci un accion pa por haya tur buki bek pa asina por sigui brinda comunidad e ser-

vicio di prestamo di buki na esunnan cu mester di informacion. Biblioteca ta spera di por conta riba e cooperacion di tur su miembronan pa entrega buki prome cu fin di Augustus. Biblioteca ta spera tur estudiante di Mavo/Havo/VWO pa entrega nan bukinan di literatura pa otro alumno tambe por lesa nan durante e proximo aña escolar. Dia 2 di September Biblioteca Nacional Aruba ta reintroduci boet despues di un periodo di 3 aña. Pa motibo cu Biblioteca Nacional Aruba su edificio principal tabata cera na 2011 y 2012, a suspende temporal-



mente e modelo den sistema di cobra boet riba buki cu a keda entrega laat. Awor ta e momento oportuno pa hiba buki bek cu a fia. Y biblioteca cu mucho gusto ta haya tur buki bek. Durante vakantie grandi miembronan kisas por busca tur buki cu tin na cas, cerca yiu, casa, prima, bisiña y entrega nan. Pa stimula y incentiva tur miembro pa trece e buki(nan) bek biblioteca no ta cobra boet te cu fin di Au-

gustus. Biblioteca ta spera di por conta riba e cooperacion di tur su miembronan pa entrega buki pronto. Por haci esaki tanto na Playa como na San Nicolas. Despues di e periodo ey lo cuminsa cobra 0.25 cen pa cada dia cu un buki ta laat. Durante vakantie grandi biblioteca na Playa ta habri di aranson anochi te cu 8'or, pero e otro dianoan biblioteca ta cera 5'or di atardi. Biblio-

teca na San Nicolas ta habri diahuebs te cu 8'or di anochi y tur otro dianoan te 5'or di atardi. Por renoba miembresia cu ta 1 florin pa mucha, 3 florin pa hoben y 5 florin pa adulto pa aña. Staf y personal di biblioteca ta yama publico un caluroso bon bini. Pa cualkier informacion por yama na number di telefon 5821580. Haci bo biblioteca un bishita. Tur hende ta bon bini. □

ARUBA AIRLINES

NOS COMPANIA LOCAL

PROMOSHON

2 x 1

MARACAIBO

2 x 1

PANAMA

E promoshon por wordo cumpra na nos oficina nan di benta of na bo agencia di viahe preferi, oferta valido te cu dia 30 di Juli. Impuesto no ta inclui.

Sales Office _____

Cumana 69, Oranjestad, Aruba
& Queen Beatrix International Airport

Telf.: +(297)-5838300
Telf.: +(297)-5832001
Cel.: +(297)-5943800

www.arubaairlines.com

Secretaria di Siguridad Interior di Merca ta entrega su retiro

Washington, D.C., MERCA- Janet Napolitano a anuncia cu e lo renuncia na su cargo di secretaria di Siguridad Interior di Merca, un puesto cu e ta ocupa for di 2009.

E funcionario di e administracion di Presidente Barack Obama, tabata e prome muhe den historia di tuma e Departamento di Siguridad bao di su encargo, lo bay traha como Presidente di e Sistema Universitario di California.

Napolitano, cu den pasado tambe tabata Gobernador di Estado di Arizona, a informa Presidente Obama di su decision luna pasa. Ta ser spera cu e lo bandona su cargo na comienso di September.

Su renuncia ta bin mei mei di e debate riba e reforma migratorio di e pais, un di e areanan cu ta cay bou di su maneho.

E proyecto di Ley cu ta riba mesa aworaki, aproba door di Senado, ta inclui un caminda pa legalisacion di inmigrantenan indocumenta y un aumento di siguridad na frontera, cu Napolitano a defende publicamente na varios ocasion. □



Secuestrador di Cleveland acusa di 977 cargo, incluyendo violacion y secuestro

Cleveland, MERCA- Un homber acusa di e secuestro di tres muhe den su cas durante un decada, a wordo acusa durante un decada diabierna a wordo acusa di mas di shen cargonan adicional cu ta cubri full e periodo di supuesto privacion di libertad.

E acusacion di 977 cargo contra di Ariel Castro ta inclui cargonan di violacion y secuestro y dos cargo di homicidio grave relaciona cu e supuesto terminacion di un di e embarasonan di e muhenan. E acusacion no ta inclui cargonan cu lo por hiba na un sentencia di morto, pero e fiscal di e condado di Cuyahoga Tim McGinty a bisa, cu esey ta keda un opcion.

Castro, di 53 aña ta wordo acusa di secuestra tres muhe y di a mantene nan, tin biaha mara na cadena, hunto cu un mucha di 6 aña.

Castro anteriormente a declara su mes culpabel di 329 cargo.

E gran hurado a acusa Castro di dos cargo di homicidio grave relaciona cu un acto, bisando cu deliberadamente el a causa e terminacion ilegal di un di e embarasonan di e muhenan.

E ta wordo acusa tambe di 512 cargo di secuestro, 446



Ariel Castro a wordo acusa di 977 cargo delictivo, incluyendo secuestro y violacion.

cargo di violencia, shete cargo di imposicion sexual grave, seis cargo di asalto criminal, tres cargo di negligencia infantil y un cargo di posesion di armanan delictivo. □

Merca ta acusa Rusia di ta duna plataforma pa propaganda na Snowden



Ex-analista di NSA (Servicio di Siguridad Nacional Mericano) durante un conferencia di prensa teni hunto cu activistanan Ruso.

Moscu, RUSIA- E Gobierno di Merca a acusa autoridadnan Ruso di facilita un “plataforma pa propaganda” na Edward Snowden, e ex-analista di Inteligencia acusa di filtra informacionnan secreto di e programa di vigilancia, door di keda den e pais.

E vocero di Cas Blanco, Jay Carney, a bisa cu den caso di otorga asilo na Snowden, Rusia lo ta contradiciendo declaracionnan anterior di e Gobierno di Moscu, den sentido di cu no kier perhudica e relacionnan entre ambos pais a causa di e fugitivo.

El a anuncia tambe cu e Presidente Barack Obama lo combersa e mesun dia cu su homologo Ruso, Vladimir Putin.

Snowden lo pidi asilo na Rusia, den cual aeropuerto di Sheremetievo e ta scondi for di dia 23 di Juni, te ora cu e por biaha pa Latino- America, unda varios pais a ofrece asilo. □

Shete persona ta muri den accidente di trein na Paris

Paris, FRANCIA- E Minister di Interior di Francia, Manuel Valls, a informa cu al menos shete persona a muri ora cu un trein a sali for di su spoor den e localidad di Breigny-sur-Orge, zuid di Paris. E trein, Intercity, a yega na e stacion cu un velocidad halto y a parti den dos, segun testigonan a informa. E trein a caba di Sali for di Paris y tabata bayendo direccion Limoges ora cu esaki a sali for di su spoor, y ta dal den e plataforma di e station pa 5 or, ora local.

Na principio tabata tin informenan tocante cu tabata tin hende pega den e trein, pa cual ta pensa cu lo tin tambe un gran cantidad di herido. E alcalde y Parlamentario local Michel Pouzol a indica cu e servicionan di emergencia ta na e luga di e siniestro. Pouzol a agrega cu cuater di e wagonnan ta benta banda di e acera. Tambe el a indica cu e zona a wordo declara "alerta cora" debi na e cantidad di victimanan cu e accidente a genera.

E causa di e accidente no ta conoci. Informenan ta muestra cu e victimanan a muri electrocuta of door cu e wagonnan a cay riba nan.

E trein tabata tin 350 pasahero a bordo na momento di e accidente.

E weekend aki ta uno sumamente druk pa e transporte ferroviario di Francia, pa motibo di e Dia di Bastilla (Revolucion Frances) cual ta wordo celebra diadomingo. □



Presidente Frances, François Hollande na e sitio di e accidente.



Personal di Ambulance dunando e prome asistencia na victimanan.



Ban Celebra Serlimar su 25 Aniversario!

14 Juli 2013
Plaza Betico Croes

Sirbiendo mas!

CAR RALLY Waste Pirates

Inscription: 9:00 - 9:45 am
Salida: 10:00 - 2:00 pm

3
Grand prize

25
measures

MULTI Mercado:

10.00 am - 5.00 pm

Variacion di cuminda / bebida / productonan local y mucho mas

Rincon Boys / Tsunami / D'licious

Xanadu Dancers / Pachanga / Chaz models / Minitca Genie

Entrante 5.30 pm

Pa mas informacion yama Serlimar na 584-5080 / e-mail: marketing@serlimar.org / www.serlimar.org.

Na Nacionnan Uni

Malala ta duna discurso publico pa prome biaha desde cu el a wordo lesiona door di Talibannan

New York, MERCA- Malala Yousafzai, e adolescente Pakistani, tira door di e Talibannan pa su promocion di educacion pa mucha muhe, a celebra su di 16 cumpleaños diabierna pa existi den su prome discurso publico desde e atake pa lidernan mundial ofrece enseñansa obligatorio y gratuito pa tur mucha.

Den un discurso, yena cu pasion y emocion, riba e podium di Nacionnan Uni, dilanti casi 1000 hobennan lider di mas di 100 pais, Malala a pidi pa un lucha global contra analfabetismo, pobresa y terrorismo.

“Laga nos pasa man pa nos buki y nos pennan. Esakinan ta nos armanan mas poderoso”, el a bisa. “Un mucha, un maestro, un buki y un potlood por cambia e mundo. Educacion ta e unico solucion. Educacion ta e unico solucion. Educacion na prome luga”.

Malala cu tabata tin un bisti tradicional Pakistani bisti y

un carson (shalwar kameez) bisti y un sjaal blanco di cual el a bisa cu tabata pertenece na e Prome Minsiter asesina Benazir Bhutto, a cuminsa su discurso cu un oracion musulman tradicional.

El a bisa cu e ta un di e tantisimo victimanan di e Taliban y cu e bala cu nan a tira riba dje a drenta pa e banda links di su frenta na October aña pasa. Cu e extremistanan a pensa cu nan lo silenci’e, pero esaki no a stroba su ambicionnan pa promove pas, educacion y prosperidad. Su cabes tabata tapa cu e tradicional lenso blanco y su cara tabata muestra poco señal di lesion.

Malala a bisa cu extremistanan ta mata e studiantenan, specialmente mucha muhenan y ta destrui scolnan pasobra cu nan tin miedo di e poder di educacion y e poder di hende muhe.

Mucha muhe ta consisti di 55



Malala Youzafsi, hobencita herida door di Talibannan pa vocifera su opinion di kier studia.

por ciento di e total y hopi bi-aha ta victimanan di violacion

y otro formanan di violencia sexual cu ta bin compaña e conflictonan arma, segun UNESCO. □

Merca lo duna asistencia na Canada den investigacion di causa di accidente ferroviario



Trabaonan di recuperacion y investigacion ta sigui na Lac-Mégantic, despues di e accidente ferroviario di siman pasa cu a laga por lo menos 50 persona morto.

Quebec, CANADA- E Agencia Federal Americano responsabel di transpote, lo yuda expertonan Canades den e investigacion di e causa di e accidente di trein na Lac-Mégantic, cu probablemente a laga 50 persona morto, segun autoridadnan a informa.

Segun Jean Laporte, hefe di e Oficina di Consejo di Siguridad den e Transporte di Canada (TSB), e expertonan a ricibi “yudansa di e Hunta Nacional di Siguridad den Transporte (NTSB)” Mericano.

Un trein sin conductor consistiendo di 72 wagon, carga cu 100 ton di petroleo cada uno, diasabra siman pasa a sali for di su spoornan den e ciudad turistico di Lake Mégantic, 250 kilometer oost di Montreal, causando un explosion grandi cu a sacudi e centro di e ciudad y a causa daño na mas o menos 30 edificio. Esaki probablemente ta e accidente ferroviario mas grandi den historia di Canada, segun Laporte a bisa, kenda a sigura cu prome cu move e wagon-

nan destrui den e zona di desastre den e centro di ciudad, e investigadonan lo haci un investigacion na e sitio cu e yudansa di NTSB. Segun Laporte, lo scucha e testigonan tambe, check e pruebanan y lo pone e experiencia colectivo pa por determina e causa di e di e accidente. Trinta investigador Canades ta trahando full time riba e caso, incluyendo 20 den e hotel na Lac Mégantic y 45 testigo di e incidente ya a wordo scucha. □

Pista di aterisahe di Aeropuerto di Heathrow ta wordo habri bek despues di incidente cu avion



Un avion di Ethiopian Airlines a registra un candela den su cabina.

London, MERCA- E pista di e Aeropuerto principal di London, Heathrow a wordo habri bek despues di un incidente cu un avion di Ethiopian Airlines unda cu un candela a keda registra.

Ta trata di un jet Dreamliner di e Boeing cu tabata para sin niun hende a bordo den un zona aisla di e terminal aereo.

Pa e rason aki tur salida y yegada di avionnan wordo temporalmente suspendi, segun un vocero di e Aeropuerto, aunke e operacionnan a continua normalmente despues di un rato.

E avion tabata para den un zona separa di e terminal. E candela tabata den e cabina. □

Comision “Un firma pa un yiu di tera” ta gradici y ta informa cu nan accion di firma ta sigui



Aki por aprecia Señora Marie Therese hunto cu d.r.p.d. Srta. Dennis Geerman estudiante di medicina, Sr. dokter Rachid v/d Linde graduado den Medicina y dokter June Geerman Tromp dokter di cas y alabes mama di un estudiante den medicina.



ORANJESTAD – Comision “Un firma pa un yiu di tera” cual comision a wordo funda cu un solo meta pa bin cu un cambio den e ley di BIG pa cu e studiantenan di medicina cu a of ta studia den region di Latino America y Caribe, kier a gradici un y tur cu di un manera of otro a contribui cu nan yamada pa cu e accion di firma y alabes kier a gradici tanto Marietje Printing cu den un forma rapido a sa di imprimi e T-shirtnan, y hunto cu Big Weels Lottery a sponsor esakinan. Nos kier a informa cu e ac-

cion di firma cu nos a pone riba diasabra dia 6 di Juli tabata en bista cu mayoria di e studiantenan den medicina tabata cu vakantie na Aruba y nan mester a biaha pa su siguiente dialuna y diamars pa nan a sigui cu nan studio, tabata e motibo cu a haci esaki e dia ey, y unda cu nan tambe a tuma parti na esaki y tambe nan por a experiencia e trabou cu e comision ta haciendo pa cu nan futuro carera, pero sinembargo e otro nan cu ya a gradua y a finalisa nan estudio ta aki, y ta p’esey nan ta sigui cu nos accion di firma

te cu un proximo aviso pa haci e entrega di tur e firmanan na Gobierno. P’esey nos ta pidi pa tur esunnan cu ainda no a deposita nan firma pa cu e causa aki, pa haci esaki libremente cerca un di nos miembronan di comision y na luganan cu tin e formularionan pa yena. Riba e potretnan por mira un dama masha aprecia, y respeta aki den nos comunidad, señora Marie Therese Croes kende a manda yama nos di comision pa bay na su residencia pa asina duna nos su sosten y apoyo pa cu nos accion di firma. □

MEGAPLEX 8
caribbeancinemas.com/aruba

100% Digital HD

JULY 11 - 17

CHARLIE HUNNAM | IDRIS ELBA

PACIFIC RIM

MON - FRI 3:55 | 6:30 | 9:20
SAT, SUN & HOL. 3:40 | 6:30 | 9:20

MON - THURS 5:10 | 8:00
FRI 5:10 | 8:00 | 10:50
SAT 2:20 | 5:10 | 8:00 | 10:50
SUN & HOL. 2:20 | 5:10 | 8:00

ADAM SANDLER | KEVIN JAMES

grown ups2

MON - THURS 4:35 | 7:05 | 9:35
FRI 4:35 | 7:05 | 9:35 | 11:45
SAT 2:10 | 4:35 | 7:05 | 9:35 | 11:45
SUN & HOL. 2:10 | 4:35 | 7:05 | 9:35

STEVE CARELL | TONI COLLETTE

THE WAY WAY BACK

MON - FRI 4:40 | 7:05
SAT, SUN & HOL. 2:15 | 4:40 | 7:05

STEVE CARELL | KRISTEN WIIG

DESPICABLE ME2

3D VERSION
MON - THURS 4:15 | 6:30 | 8:50
FRI 4:15 | 6:30 | 8:50 | 11:20
SAT 2:00 | 4:15 | 6:30 | 8:50 | 11:20
SUN & HOL. 2:00 | 4:15 | 6:30 | 8:50

JOHNNY DEPP | ARMIE HAMMER

THE LONE RANGER

MON - THURS 5:20 | 8:30
FRI 5:20 | 8:30 | 11:40
SAT 2:10 | 5:20 | 8:30 | 11:40
SUN & HOL. 2:10 | 5:20 | 8:30

BRAD PITT | MIREILLE ENOS

WORLD WAR Z

3D VERSION
MON - THURS 9:30
FRI & SAT 9:30 | 12:00
SUN & HOL. 9:30

SANDRA BULLOCK | MELISSA MCCARTHY

THE HEAT

MON - THURS 4:10 | 6:45 | 9:20
FRI 4:10 | 6:45 | 9:20 | 12:00
SAT 1:55 | 4:10 | 6:45 | 9:20 | 12:00
SUN & HOL. 1:55 | 4:10 | 6:45 | 9:20

CHANNING TATUM | JAMIE FOXX

WHITE HOUSEDOWN

MON - THURS 9:10
FRI & SAT 9:10 | 12:00
SUN & HOL. 9:10

BILLY CRYSTAL | JOHN GOODMAN

MONSTERS UNIVERSITY

MON - FRI 4:40 | 6:55
SAT, SUN & HOL. 2:25 | 4:40 | 6:55

STARTING NEXT WEEK JULY 18 | R.I.P.D. 3D

Download our NEW APP

Available on the App Store

ANDROID APP ON Google play

Palm Beach Plaza | Aruba | 586-0074

Si bo ta bebe no

STUUR

Waka Waka ta treat nos muchanan durante e temporada dushi di Vakantie

ORANJESTAD - Waka Waka Adventure Cafe & Cantina ta hopi orguyoso di nos muchanan cu a haci nan best durante e aña escolar 2012-2013. Waka Waka ta pone hopi enfasis riba e union familiar y p'esey ta extende su special caminda tur mucha bao di 12 aña acompaña pa un adulto por scoge su cuminda preferi for di e Kid's Menu sin ningun costo extra. "Family Fun Weekend" ta un con-



cepto cu Waka Waka a crea pa henter e famia pasa un rato ameno, hunto y sin stress den



un ambiente acogedor. E special aki caminda muchanan ta come gratis ta valido durante

weekend di 12'or di merdia pa 2'or di atardi y di 6'or di atardi pa 10'or di anochi.

Haci bo reservacion y disfruta bo vakantie na Waka Waka Adventure Cafe & Cantina. □

Aruba Tourism Authority:

Pareha Goldfine a wordo honra na Marriot Surf Club

ORANJESTAD - Recientemente Aruba Tourism Authority tabata tin e grato placer di por a honra un bunita pareha, kendenan ta un fiel bishitante di Aruba como embahadornan di bon boluntad na Marriot Surf Club. E titulo honorario simbolico aki ta wordo presenta den



number di Minister di Turismo como un muestra di aprecio na huespednan cu ta bishita nos isla entre pa 20 of mas aña tras di otro.

E honorarionan e biaha aki tabata Sr. Sandy y Sra. Robin Goldfine di Phoenixville PA, Merca. Sandy y Robin ta miembronan fiel di Marriot Surf Club y nan ta encanta

Aruba pa e personanan amabel, e clima caluroso, Beachnan, Restaurantnan y nan ta gusta wak con limpi Aruba ta.

E certificado a wordo entrega door di Sr. Ernest Giel representando Aruba Tourism Authority hunto cu Sra. Luzdary Patterson-Leest representando Marriot Surf Club. □



WORK WITH THE BEST

BUCUTI & TARA BEACH RESORTS IS ONLY ARUBAN RESORT THAT IS PROUD RECIPIENT OF:

Conde Nast Gold List - World's Best Places to Stay 2013
"Best Hotels 2013" - TripAdvisor Traveller's Choice
"Most Romantic Hotels in Caribbean" - TripAdvisor Traveller's Choice 2013

OFFERING EXCELLENT BENEFITS:

Competitive salaries
Pension plan
Health, disability and life insurance
Dental & Vision insurance

Daily transportation allowance
Saving plans and Loan availability
Complimentary shift meal

BASIC REQUIREMENTS:

Flexible work hours (evenings, weekends, holidays)
Work in Drug Free environment

Aruban or valid work permit
Interested in preserving the environment

FRONT OFFICE MANAGER

-Minimum 2 years experience in similar position with hotel or time-share operation
-Proven track record of effective control, staff supervision and training methods
-Organized and strong ability to prioritize and multi-task
-Computer and PMS knowledge recommended
-Fluent in English, and Dutch or German

Please send resume by Email: jobs@bucuti.com or Fax: 582-5272 or call 583-1100 ext 136 for appointment

Before applying, please register at DPL

Spera di mengua e escases di docente di matematica

Universidad di Aruba ta start Bachelor lerarenopleiding Wiskunde

ORANJESTAD -- Universidad di Aruba ta cuminsa na fin di luna di augustus 2013 cu un estudio nobo. Ta trata aki di e estudio pa maestro di scol den e materia matematica. Lo tin dos variante, un estudio regular y un estudio di trayectoria cortico. E estudio di trayectoria cortico ta pa studiantenan cu tin un grado pa duna les den un otro materia, un grado mas abou (derdegraads bevoegdheid) pa duna les di matematica of studiantenan cu a termina un otro estudio cu hopi matematica, por ehempel HTS bouwkunde. Pa e studiantenan aki tin e posibilidad di termina nan estudio den 2 pa 2,5 aña. Tur otro estudiante tin cu haci e estudio regular den 4 aña.

SEGUNDO GRADO

Despues cu nan termina e estudio aki nan lo tin un se-

gundo grado den matematica (tweedegraads bevoegdheid wiskunde) y nan por duna les na tur klas di EPB, EPI y Mavo.

Tambe nan por duna les na Havo/Vwo (klas 1, 2 y 3). Cu e estudio aki Universidad di Aruba ta spera di mengua e escases di docente di matematica pa asina garantisar bon enseñansa di matematica den futuro na Aruba.

ANOCHI DI INFORMACION

Dialuna awor 15 di juli lo tin un anochi di informacion pa esunnan interesa. E encuentro aki lo tuma luga 18.30 or na e edificio APEX (situa banda di Super Food bieu). Durante e encuentro aki nos lo duna informacion tocante e estudio aki. Bo por inscribi pa e estudio aki na e website di Universidad di Aruba, www.ua.aw □



MESTER DI PLACA?

EMPEÑA Y CUMpra ORO



PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIENA



ORANJESTAD WERFSTRAAT 7 LOK. 12 TEL 588 4141 ☎ SAN NICOLAS B. V/D VEEN ZEPPENFELDSTRAAT 14 TEL 584 4141

Ladronnan ta causa destruccion na auto

ORANJESTAD—Diahuebs 01.30, Central ta manda Polis den Agentiniestraat pa un destruccion. Na e cas Polis ta papia cu e homber S, kende ta bisa cu el a para su auto 20.30 na yabi dlanti su cas y un rato despues cu el a bolbe mas o menos 01.00, el a mira cu e bentana chikito banda drechi tabata kibra, pero nan no a bay cu nada di den e auto. □

Ex amiga a bringa cu Chico Gang

ORANJESTAD—Diahuebs 04.00, Central ta manda Polis den Weststraat na altura di un supermarket pa un pelea. Na e sitio Polis ta topa cu e muhe R, kende ta bisa cu el a caba di bringa cu su ex amigo “Chico Gang”. El a bisa cu Chico Gang a menas’e cu morto y kier maltrat’e. E no kier duna keho. □

Destruccion di auto dilanti cas

WAYACA—Diahuebs mas o menos 08.15, e homber A. a bay warda di Polis y ta haci denuncia di destruccion. E ta bisa cu un dia prome, mas o menos 22.00, e y su amiga a para nan auto dilanti su cas. Nan a laga e auto na yabi y intacto. Mainta 06.40, el a tende zonido di tire. El a mira pafu y a mira cu un Toyota Corolla blanco, ta pusha e auto di su amiga contra un trapi. Despues e auto a bay. El a mira cu e chauffeur di e Toyota e ex ta di su amiga. El a sali pafu pa controla y a mira cu e bumper patras di e auto di su amiga tabata kibra. Tambe el a mira cu e windshield patras di su auto tabata kibra y den e auto el a haya un piedra. TOD a bay na e sitio pa haci e investigacionnan necesario. □

Ladroncia di Hyundai Getz

SAN NICOLAS—Diahuebs polisnan ta bay na un cas den Jacob Tielstraat pa un joyriding di un Hyundai Getz. Na e sitio Polis a topa cu e muhe G, kende ta bisa cu un dia prome el a para su auto 01.00 y a mas o menos 05.45, el a mira cu su auto no t’ey mas. □

Djodjo ta cana rond cu machete pa e bay traha

POS CHIKITO—Diahuebs 08.00 Central ta manda Polis na Pos Chikito na altura di Rey Hing Supermarket pa e conocido Djo Djo, cu ta cana rond cu un machete. Na e sitio polis a papia cun’e y e ta bisa cu e ta wardando riba un hende pa bin busk’e pa e bay traha. El a bisa cu e mester bay kap mata y dor di esey e ta cu e machete. Polis a splik’e cu e no por cana asina asina cu un machete rond y e mester ta paketa. El a bay su cas pa paketa e machete. □

Destruccion di auto den Wilhelminastraat

ORANJESTAD—Diahuebs mas o menos 14.00 e muhe C, a bay warda di Polis na Playa pa duna keho di destruccion. E ta bisa Polisnan cu mas o menos 08.30, el a para su auto den Wilhelminastraat na altura di un cas. Ora cu el a bolbe, el a mira cu e porta banda robes patras tabata forsa. Polis a tuma su keho. □

Homber desconoci ta haci trabou di deurwaarder

SAN NICOLAS—Diahuebs 15.58, Central ta manda Polis den Caya Jose Geerman pa un persona indesea. Na e sitio Polis a papia cu e muhe G, kende ta bisa cu un homber desconoci tabata cana den su cura. Ora cu el a mira e homber, esaki a identifica su mes como un abogado. G. ta bisa cu e homber ta mal bisti y no a confia e asunto. Ora cu Polis a yega e homber no tabata mas eyan. Tambe el a bisa cu e homber a dun’e un papel firma dor di F. y a bis’e cu F a bisa cu e mester meld na su oficina. Polis a bisa G. pa e bay e deurwaarder pa controla un ke otro y pa e bay cu un testigo. □

Homber cu paspoort falso a lanta suma grandi di placa na dos sucursal di banco

PALM BEACH—Polisnan a wordo manda diahuebs 14.10 na un banco na Palm Beach, na unda a drenta un yamada di e hefe di Siguridad, relaciona cu un homber cu un paspoort falso cu kier lanta un suma di placa considerabel. E homber na e momento ey ainda ta na e sitio y tabata papia cu un otro personal den e oficina. Na e sitio a resulta cu e homber ta den posicion di un paspoort falso, cu mas tempran den dia na dos otro filial di e banco a lanta dos biaha un suma di 15.000- Dollars. Investigacion a mostra cu e homber ta uzando number di un cliente existente di e banco cu ta cuadra cu e personalia di e paspoort falso, solamente e aña di nacemento tabata otro. Den su cartera e homber tabatin su cedula na number di C.C.C. naci na Chile di 28 aña, cu supuestamente ta e number di e homber. El a duna su mes como J.A.G.M naci na Venezuela. Dor di investigacion, a Sali na cla cu e ta traha hunto cu un otro persona cu ta sinta den auto pafu di e banco. E sospechoso a bisa cu ta trata di un jeep Cherokee blanco. Polisnan a laga un otro patruya pa bin na e sitio pa controla, pero ora cu polisnan a yega no tabatin ningun Jeep Cherokee blanco riba e luga di parkeer. Polisnan a hiba e sospechoso warda di polis, na unda el a keda cera y entrega na departamento di Recherche. □

Desconocinan ta corta cuatro tire di truck

SAVANETA—Diahuebs 06.30, Central ta manda polis na un cas na Savaneta pa un destruccion. Eynan Polis a papia cu e homber C, kende ta bisa cu tur cuatro tira di su auto di carga a wordo corta. Polis a mira e tirenan corta y a tuma e keho. □

Homber ta maltrata menor di edad cu piedra

MADIKI—Diahuebs 22.45 Central ta pidi presencia di dogcatcher relaciona cu un detencion. Central a manda Polis na Madiki, na unda un menor di edad a a wordo maltrata cu un piedra. Na e sitio Polis a papia cu e muhe K, kende ta bisa cu mas o menos 15 minuut pasa su yiu bin cas y a bis’e cu su bisiña a caba di mand’e cu un piedra. E mucha homber K, tambe a bay cerca Polis y ta mustanan un herida riba su wowo robes. Un parti di su wowo robes tabata hincha, y tambe Polis mira un herida. Polis a bay na cas di e bisiña, pero ningun hende a atend’e nan. Polis a drenta den e cas y den un huki den camber nan ta mira un homber para. El a bay cerca Polisnan y a bisa cu el benta un piedra riba e mucha homber, como cu e mucha homber a destrui su auto. Polis a detene e homber E.P. naci na Aruba di 48 aña, pa maltrato cu arma. Despues cu el a aparece dilanti Fiscal Auxiliar, el a keda cera na warda di Santa Cruz pa investigacion. E mama a wordo trata na e sitio pa personal di ambulance y a bay hunto cu e mucha poli pa tratamiento. Polisnan a bisa e mama cu mainta e bay cu e declaracion di dokter pa bay duna keho. Na e sitio e homber E.P. a grita e bisiñanan pa nan cera su porta pa ningun hende drenta paden. E tabata hopi agresivo y a wordo hiba cu dogcatcher pa warda di Polis. □

Ladronnan ta horta articulonan di auto di turista

PALM BEACH—Diaranson 18.30, Central ta manda Polis na un lowrise hotel pa un caso di ladroncia. Eynan Polis ta papia cu e turista J.S. kende ta bisa cu 17.00, el a para su jeep Wrangler V-4609, den e bisindario di Mina di Oro. El a laga e auto na yabi y a bay saca foto cu un par di amigo. Ora cu nan a bolbe, nan a mira cu nan a habri e ziper di e canvas y a drenta den e auto. Nan a bay cu diferente articulo. Polis a tuma su keho. □

Polis ta detene y cera dos homber basta burachi

PALM BEACH—Diaranson 21.10, Central ta manda Polis na Moomba Beach pa un persona burachi. Na e sitio Polisnan a papia cu un persona, kende ta bisa cu e homber D.F. naci na Aruba di 20 aña ta burachi y ta haci fastioso y no kier tende di ningun hende. Tambe e ta bisa cu D.F. a bay den lama y e no sa si el a bolbe. Segun testigonan nan a bisa cu nan a mira D.F. drumi riba strand. Polisnan a nota esey, pero ora cu nan a yega cerca D.F. a core drenta lama. Mirando cu e ta fuertemente bou di influencia di alcohol, Polisnan a deten’e y a yama dog cather pa transport’e warda. Tambe Polisnan ta topa cu un otro homber S.H. naci na Aruba di 42 aña, cu tabata basta bou di influencia di alcohol. Tur dos a wordo transporta hunto pa warda di Shaba y cera pa buracheria riba caminda publico. □

Prome Minister Eman na baluarte di Alto Vista

“Danki Tony pa permiti nos disfruta pa hopi aña di bo talentonan musical”

ORANJESTAD – Prome Minister Mike Eman ta duna un toke special y reconocimiento na un ciudadano di Alto Vista Sr. Tony Werleman, di Grupo Alegre di Noord. Un persona cu un pasion grandi pa musica, tocando diferente tipo di instrumento y kende a participa den un cantidad grandi di festival y eventonan di Dande y musica folklórico. E ta tambe un gran tocado di Caha di Orgel, den cual e ta wordo compaña pa su señora esposa Johanna Werleman-Wolff. Na momento di entrega di e plakkaat di reconocimiento como baluarte, Prome Minister Eman a bisa cu e reconocimiento aki e ta otorga basa riba conseho di ciudadanonan di e bario hunto cu funcionarionan di Team BoBario. Importante, el a splica, ta cu Team BoBario ta consulta cu un grupo di ciudadano di e bario pa mira kende ta e

persona adecuado pa haya e reconocimiento durante bishita di Prome Minister. “E mester ta un persona cu ta un ehempel y un guia, un persona cu a dedica su vida na su famia, su pueblo, su cultura. Number di Capitan Tony a bini hopi dilanti,” Prome Minister Eman a trece dilanti den su discurso. Durante e ceremonia tabatin un momento masha bunita ora cu Capitan Tony a wordo rondona pa tur su yiunan, sobrino y nietonan, prome cu el a ricibi e plakkaat. “Tony ta un di e mihonan den Caha di Orgel na Aruba; un persona cu a deleita nos pa hopi aña cu su talentonan riba Caha di Orgel, cu ta data di 1905.” Na final e mandatario a enfatisa cu su bishita y e reconocimiento ta un forma pa bisa Tony danki pa tur loke el a haci pa Aruba; danki na e famia cu a permiti nos disfruta di e talento di Tony. “Bo ta un inspiracion y guia pa grandi y chikito, pa cual nos kier dunabo un reconocemento den nomber di Gobierno di Aruba.” □




fruta di e talento di Tony. “Bo ta un inspiracion y guia pa grandi y chikito, pa cual nos kier dunabo un reconocemento den nomber di Gobierno di Aruba.” □

		Cu e ‘ <i>Macuto di compras</i> ’ nos ta presenta prijs di algun producto popular den supermercadonan di Aruba. E observacion di prijsnan a tuma lugar durante 10 y 11 di juli 2013, <u>den diferente distrito</u> . Den comparacion di prijsnan no ta tene cuenta cu calidad di e productonan cu por varia entre supermercadonan. Nota: e									
		Supermarket/ Minimarket									
		Angochi	Calidad	Fa Yang	Feng Hing	Feng Wei	Heng Sheng	Kom	Mundo Nobo	Pacifico	Primavera
Producto		Sta. Cruz	Pos Chiq.	Sta. Cruz	O' stad	O' stad	Noord	Sta. Cruz	Sta. Cruz	O' stad	Tung Yee O' stad
Cont.		BBO incl.	BBO incl.	BBO incl.	BBO incl.	BBO incl.	BBO incl.	BBO incl.	BBO incl.	BBO incl.	BBO incl.
Juice- Ceres tetra pack	1 liter	3,85	3,83	3,75	3,99	3,78	3,90	3,75	3,55	3,75	3,85
Juice - Jumex, tetra pack	1 liter	2,79	2,58	2,65	2,90	2,76	2,85	2,85	2,55	2,70	2,75
Juice- Gloria tetra pack	1 liter	2,75	2,76	2,75	2,88	2,74	2,85	2,75	2,75	2,75	2,75
Juice- Del prado tetra pack	946 ml.	2,95	2,76	2,75	2,95	2,88	2,85	2,85	2,59	2,85	2,75
Juice- V8 splash	16 oz.	2,45	2,35	2,35	2,50	2,35	2,45	2,35	2,38	-	2,50
Cranberry juice- Ocean spray	64 oz.	8,99	8,66	8,75	9,15	-	8,95	7,95	8,53	7,15	8,95
Macaroni & cheese- Kraft	7.25 oz.	2,25	1,99	2,15	2,25	2,05	2,25	2,25	2,80	2,25	2,79
Mie nestjes- Honig	500 gr.	4,35	4,28	3,99	6,45	5,40	5,95	5,39	-	-	4,75
Spaghetti vlugkokend- Honig	500 gr.	3,60	-	3,30	-	3,69	3,99	-	3,74	-	-
Continental Chicken noodle- Knorr	3,8 oz.	2,99	2,55	2,99	3,20	3,05	3,10	2,95	2,69	2,99	2,99
Cream of chicken- Campbell's	10% oz.	-	4,48	2,85	-	2,85	-	-	2,88	-	2,89
Soup base, noodles- Ramen, Roland	3 oz.	0,85	0,75	0,85	0,95	0,90	0,85	0,75	0,88	0,80	0,85
Chicken noodle soup- Campbell's	10% oz.	2,50	4,34	2,15	-	2,43	-	2,75	4,85	2,50	2,49
Cup noodles soup- Nissin	2,25 oz.	0,99	0,99	1,00	1,35	1,35	1,25	1,15	1,35	1,25	1,25
Bleekmiddel- Glorall	32 oz.	3,25	-	4,75	3,25	3,05	3,25	3,10	3,09	3,25	3,25
Bleekmiddel- Clorox bleach	1 quart	3,99	4,58	3,55	3,99	5,53	4,10	4,95	4,78	-	-
Fabric softener- Suavitel	848 ml.	3,95	3,66	2,50	3,99	3,85	3,99	3,89	3,45	-	3,99
Fabric softener- Tender	946 ml.	-	-	3,99	4,73	4,69	4,75	4,65	4,43	-	-
Air freshener- Glade (tur fragancia)	9.7 oz.	-	-	3,45	3,78	3,58	3,80	3,79	3,45	-	3,75
Air freshener- Airwick	8 oz.	2,95	-	2,60	3,15	3,00	3,10	2,99	2,78	3,15	2,99
Desinfectant spray- Lysol	12,5 oz.	13,50	12,77	12,50	13,50	12,89	13,50	13,25	12,59	12,95	13,25
Dish washing liquid- Joy	12,6 fl. Oz.	3,50	3,09	3,15	3,45	3,26	3,75	3,35	2,89	3,45	3,35
Dishwashing liquid - Ajax	14 fl. oz.	-	2,24	2,50	2,75	2,65	2,75	2,50	2,28	2,50	-
Dishwashing liquid - Palmolive	10 fl. oz.	-	3,93	-	3,99	4,13	3,35	4,15	3,91	3,85	4,25
Oven cleaner- Osirex, (spray)	7 oz.	3,15	-	3,45	-	-	3,95	2,90	3,45	-	2,95
Oven Cleaner- Easy Off heavy duty	16 oz.	12,95	11,27	-	12,50	10,90	12,50	-	12,25	12,50	12,10
Waxedpaper- Cut rite	75 sq. ft.	3,25	2,84	-	3,25	3,20	4,25	3,15	3,38	-	-
Waxedpaper- Waxtex	75 sq. ft.	3,25	-	3,25	-	3,65	3,25	-	-	3,39	3,50

Polis a bay warda cu hoben pintando graffiti riba muraya di Aruba Trading na Playa

ORANJESTAD -- Ultimo tempo a tuma nota cu e muraya di Aruba Trading na Playa dia pa dia tin mas graffiti pinta riba esaki y ta un mahos bista y esun cu ta haciendo esaki no sa e daño cu e ta haciendo na propiedad di otro. Ayera mainta Polis a keda informa cu tin hende ta pintando riba e muraya. Di biaha e patruya a yega topa cu e persona y a hala su atencion debidamente y bay cun'e warda di Polis. □



Mireille Sint Jago, candidata di MEP: E solucionnan pa nos Enseñansa!

E no ta un sorpresa cu e siguiente Gobierno lo tin un tarea masha duro pa cumpli cu n'e, esta pa hiba Aruba bek riba e nivel cu e tawata ta. Un di e topiconan mas importante, ta con pa drecha nos enseñansa.

Diferente caso tristo, cu a yega na conocimiento di mi persona, tin di haber cu problemanan social/economico na cas. Pero esey no kiermen cu Gobierno no tin falta den esaki. Si bo ta ehecuta Bon Maneho bo lo cosecha e fruta mesora: Mas hoben ta exitoso y ta gradua! Nos no por wak nos economia aparte di nos enseñansa. Si hopi trahador a perde trabou, lo tin bastante famia cu problemanan financiero. Esey hopi biaha por trece problema entre pareha. E consecuencia lo ta cu e hogar di e hoben no tin un ambiente positivo.

Lista di problema

Con cu bay bin, e lista di muchanan cu tin cu cay door di e buracan di nos macuto di Enseñansa ta bira mas hopi cada dia. Akinan un lista di cinco problema cu a yega na mi horea: Mi yiu...

1. ... ta ser admiti na Colegio San Nicolas so y no na Colegio Arubano, pero nos ta biba te na Noord.
2. ... di 11 aña no tin mag di ripiti 6e klas pa wak si e por logra haal MAVO enbes

di EPB.

3. ...no por bay un SKOA MAVO a base di su puntonan di klas 6, pero si un MAVO di Openbaar.

4. ... nunca a keda sinta of zak y a haal su diploma, pero SMOA no ta admiti mi yiu na HAVO/VWO.

5. ...a ser kita for di scol den 3 MAVO y e no por bay Avond MAVO ainda pasobra e ta jong, pero hopi biaha e lesnan di Middag MAVO ta cay afo, docentnan ta meld ziek cada biaha...

Tur e problemanan aki lo por wordo evita y soluciona, cu un Gobierno cu ta tuma su responsabilidad pa e futuro di Aruba. Un Gobierno cu ta inverti den e contenido di nos Enseñansa y controla pa e nivel di enseñansa na cada scol ta igual. Un Gobierno cu ta inverti pa e calidad di maestronan keda halto, pa nos yiunan haya e miho oportunidad pa ta exitoso. Cu un Gobierno cu ta inverti den nos economia na un manera duradero, un Gobierno cu ta crea cuponan di trabou, diversifica nos economia y sostiene iniciativanan y proyectonan di su ciudadanonan cu ta na bienestar di tur mucha. Un Gobierno cu no ta inverti den contenido di enseñansa, ta scohe pa laga pueblo keda depende di dje. Un mucha no mester preocupa su mes con

pa paga coriente y awa na su cas. E mester por gosa di su hubentud y concentra riba su lesnan.

Metodonan nobo y inversion

Pa drecha nos enseñansa, nos mester cuminsa pone como un meta cu: NINGUN MUCHA LO KEDA TRAS! Nos mester inverti den metodonan nobo pa Hulandes na tur scol basico. Nos mester inverti den bukinan di rekenen den otro idioma tambe pa e muchanan por capta e contenido den su propio idioma prome cu e cuminsa cu e transformacion den e idioma di instruccion. Nos lo mester introduci un enseñansa den dos idioma: "Tweetalig Onderwijs". Na Hulanda, mayornan ta orguyoso si nan yiu ta haya les di Biologia y Historia na Ingles. Ta algo cu lo por ser implementa masha facil mes aki na Aruba, pasobra nos yiunan di tera ta multilingual.

Y pa tur esaki por ta exitoso, nos mester inverti den e habilidadnan di e maestro. Pasobra ora un bon team ta faya di gana, ta e trainer tin cu bay y no e hungadonan.

Nos maestronan tin e capacidad, pero e Gobierno ta faya di duna nan e training, e experticio innovativo cu ta sumamente necesario pa nan por traha pa nos muchanan ta exitoso den nan estudio. E



Gobierno actual ta faya como e trainer y mester ser manda cas. Mi persona lo garantisa, hunto cu tur otro candidato di MEP, cu Enseñansa lo

bay bira y keda un prioridad den Gobierno Wever-Croes 1. Nos lo soluciona tur problema cu tin den enseñansa na Aruba. □

PROPOSICION DI LEY PA HACI INTERES RIBA DEBE DI ESTUDIO "AFTREKBAAR" PA BELASTING, DEN PROCESO PA WORDO CONCRETISA.

Manera ta conoci, fin di luna di juni 2012, mi persona a entrega na presidente di Parlamento un propuesta di ley di iniciativa pa haci interes riba debe di estudio 100% deduci bel for di e "belastbaarinkomen", despues cu anteriormente, esta dia 20 di october 2011, Parlamento di Aruba a bay unanimamente di acuerdo cu mi mocion al respeto. Raad van Advies mientras tanto a duna su consejo riba tal proposicion, riba cua mi a comenta den mi carta di dia 11/7/'13, y cual consejo a wordo incorpora den un landsverordening nobo/adapta; mediante mi carta di mesun fecha mi a entrega e landsverordening nobo na presidente di Parlamento, cu e peticion pa tanto Parlamen-

to como Gobierno duna nan opinion riba esaki na Raad van Advies.

Un carta lo bay tambe pa DirectieWetgeving en Juridische Zaken cu e peticion pa, di acuerdo cu e proposicion di ley, e memorie van toelichting, e consejo di Raad van Advies, y mi comentario na Raad van Advies, adapta e "Landsbesluitregeling-deviezenprovisie", y entrega esaki na minister di Finanzas, Comunicacion, Utilidad y Energia. Cu esaki mester ta posibel pa den e proximo lunanan e ley aki drenta na vigor, e ley cu ta permitie estudiante (cu di berdad a caba su estudio exitosamente) deduci e interes cu e a paga riba debe di su estudio, for di su "belastbaarinkomen". □



Sra. Jennifer Arends-Reyes di AVP

Enseñansa na Aruba ta bay conoce hopi cambio den e añanan binidero

ORANJESTAD -- Na prome lugá un pabien di curason na tur cu a logra pasa nan aña escolar cu éxito y tambe na esunnan cu a logra obtene nan diploma, masha pabien. Corda cu bo estudio ta pa bo futuro y propio éxito profesional. Na esunnan cu no a logra pasa nan aña escolar, corda cu nos mester promove un cultura di ruim voldoende y no pasa over net net. E siguiente aña escolar lo bo ta miho prepara y lo domina e materia hopi mas miho pa bo tin un miho base pa yega bo meta.

REFLEXIONA

Mirando cu e aña escolar a cera y awor nos ta den e temporada di vacacion escolar ta momento pa reflexiona kico tur a bay bon durante e aña escolar riba nivel micro, meso y macro. Mas importante ainda ta pa evalua tur e cambionan cu a ser implementa y pa ahusta nan pa determina

cual rumbo nos lo sigui cana. Mi ta kere ora cu ta papia di enseñansa formal, e ta un area cu ta bastante amplio y e ta cuminsa di edad di 4 aña cu ta e scolnan preparatorio te na enseñansa universitario cu ta promove enseñansa pa adultonan di tur edad.

STRUCTURA Y RUMBO DEFINI

Riba tur e nivelnan aki incluyendo e parti di opvang mester trece un estructura y rumbo defini cu nos lo kier tin pa e gobernacion siguiente. Nos lo mester pensa riba un curriculum nacional caminda cu scolnan tin cu traha mas di cerca y cu plannan concreto cu departamento di Inspectie y tambe otro scolnan pa mantene e calidad di enseñansa na un nivel cu ta desea, pa por tin bon base pa sigui cu e siguiente nivel di estudio. Tur hende tin cu traha den synergia pa por hisa nivel di edu-

cacion riba nos dushi isla. Lo mester implementa diferente instrumento pa midi di cerca riba nivel nacional cada 2 aña con tur e procesonan basa riba resultadonan e.o. tambe con e parti didactico y pedagogico ta bayendo y den e caso cu tin indicacion cu un scol ta wordo categorisa pa 'swak', mester duna e scol aki tur e ayudo necesario pa e por yega na e nivel desea. Lo mester sigui promove material riba nivel pa cada edad cuminsando for di scolnan primario riba topiconan manera habilidadnan social y emocional, habilidadnan di estudio, e parti di conocimiento spiritual, educacion tocante famia planea, droga, alcohol, termento, obesidad y deporte, orientacion riba tur sorto di estudio y profesion. Esakinan mester ta estructura y tin un lugá den e curriculum y no ofreci como copia los pero



como serie di les.

PROEFWERK Y OVERHORING

Tur scol, tur nivel mester evalua nan manera di duna proefwerk y overhoring, esaki den mi opinion mester ta di calidad halto y coordina cu e otro coleganan. E parti cu muchanan ta wordo getest y categorisa como un alumno cu dificultad pa siña no ta haña cupo, mester bay wak con pa acomoda nan y brinda nan un educacion riba nivel y cu ta retanan pa haci nan maximo esfuerzo.

MATERIALNAN ADECUA

Lenguahe y Matematica ta keda un parti masha esencial den nos curriculum y mester tin materialnan adecua pa por brinda e studiantenan e miho calidad di les posibel. Inverti den cursonan pa nos maestronan pa nan por sigui promove nan mes y pa nan keda motiva. Tur scol incluyendo scolnan preparatorio mester tin nan programa di les pa cada nivel pa aña cla prome cu vakantie grandi hunto cu e descripcion di materia cu nan ta ofrece pa siman y nan "leerdoelen". Y e profielnan cu ta ser ofreci nan nos scolnan secundario mester wordo evalua pa wak si esaki ta locual ta bon pa Aruba y cu tin aansluiting pa un siguiente estudio.

SONDEO

Prome cu e studiantenan bay studia den exterior nan mester haci un sondeo grandi pa wak

e profesionalnan cu Aruba tin mester aki 4 of 6 aña pa nan por bin bek y contribui cu nan conocimiento na e desaroyo di nos pais. Pa enseñansa profesional riba nivel di MBO, HBO y WO Aruba lo mester amplia e posibilidadnan pa hobennan y tambe promove estudionan "deeltijd" pa adultonan cu ta interesa y explora e combinacion di E-learning y colleges. Aruba lo beneficia grandemente cu un Openbaar MAVO/HAVO/VWO na Noord cu mi a comprende cu ta den plan pa ser ehecuta despues di aprobacion den Parlamento.

TRAHA MAS DI CERCA

Esaki ta trece oportunidadnan nobo mas cerca di cas pa hopi hoben y tambe cu no ta mara na reglanan di un fundacion. Un punto tambe cu mi lo desea di wak ta mayornan den forma di oudercommissie y lerarenraad traha mas di cerca cu e ekipo di maneho di scol ora tuma decisionnan cu tin impacto grandi riba maneho di scolnan. Nos lo tin cu promove pa traha mas di cerca riba tur nivel di estudio specialmente cu scolnan y institutonan na Hulanda mirando cu nos diploma tin cu keda wordo reconoci pa Hulanda pa nos studiantenan cu kier sigui nan estudio na nos Madre Patria.

Den un otro oportunidad mi lo amplia riba otro topico di enseñansa, social of otro topico cu tin di haber cu bienestar di nos comunidad. □

Durante Europe Meets the Americas

Representantenan di Reino a premira e reaccion positivo cu awe ta manifesta den yegada di un delegacion sumamente importante



ORANJESTAD – Representantenan di Hulanda y Reino rond mundo tin un consenso y esey ta cu Aruba ta un visionario den e tereno empresarial. E embahadornan aki cu a yega di ta staciona y atende cu e mundo comercial y politico di paisnan for di Sur Corea pa Argentina, ta di opinion cu e obhetivo pa Aruba bira e Gateway entre Europa y Latinoamerica, ta un idea simplemente briyante di parti di Gobierno y cu ta carga un potencial enorme pa tur e partidonan envolvi. Manera a keda indica anteriormente, e ta un win-win situation y algun di e mentenan mas briyante di Reino ta apoya e pensamiento ey. “Hulanda por siña hopi di Aruba, por ehempel riba tereno di diplomacia economico den direccion di e economianan Sur Americano cu ta den desaroyo acelera, segun e catedratico interna-

cional den leynan Europeo, ex-vice Prome Minister Hulandes, minister di e.o. Asuntonan Economico, miembro di Tweede Kamer, parlamentario Europeo y embahador di Europa na Tokyo, Sr. Hans Biesheuvel. Esey el a duna di conoce durante su bishita na e conferencia di Europe Meets the Americas cu a tuma luga na luna di mei ultimo. Presente tambe tabata e Embahador di Reino Hulandes na Colombia, Sr. Robert van Embden. El a indica cu e pais Latinoamericano tambe a cuminsa tuma e prome stap pa yega mas cerca di un relacion comercial cu Europa. “No mucho tempo pasa Colombia a firma un acuerdo di comercio liber cu Union Europeo cu segun van Embden no ta un concurrencia pa e concepto Gateway Aruba. “Al contrario, e ta netamente brinda oportunidadnan grandi

pa Aruba pa p.e. empresanan Colombiano cu kier exporta pa Europa y kier uza Aruba como trampolin. Pero tambe pa empresanan Hulandes cu via Aruba kier exporta pa Colombia. Ta p’esey mes cu e conferencia aki, un iniciativa briyante di Premier Eman, a bin na e miho momento cu por tin”.

Embahador Van Embden a conta cu mayoria di e negoshinan cu a bin cu ne a participa na e sesion di (B2B) ‘Business to Business’ y esun di ‘match-making’.

“Mi a ripara cu tin hopi con-

empresanan, segun van Embden. Na fin di e luna aki Aruba ta firma un MOU cu Colombia na unda e cooperacion intensivo cu tin ta keda fiha. Embahador di Reino na Colombia sr. Robert van Embden, Sra. Rita Dulci Rahman, Embahador di Reino na Republica Dominicana y Haiti a resumi tur cos den un frase: “Aruba ta innovativo.” Segun Rahman Prome Minister Eman a demostra cu e organizacion di e dos conferencia regional di Embahadornan y “Europe Meets America” con cos por wordo haci. “Prome Minister Eman ta hopi creati-

100.000 habitante ta duna e ehempel na e otro 8 biyon di personanan na mundo. E Embahadornan no tabata e uniconan pa bay cu e impresion aki despues di a atende e conferencia caminda mas di 200 compania rond mundo a topa y a cera conoci cu e estructura y potencial di nos isla como un socio strategico den nan ambicionnan pa cruza oceano. Vice President di Mercadeo y Brand di KLM Marjan Rintel como tambe President y CEO di Schiphol Group, Jos Nijhuis ta a bira voceronan inoficial di e mision di Aruba y como resultado, e fin di siman aki nos isla ta ricibiendo un delegacion comercial encabesa pa nada otro cu Prome Minister di Hulanda, Sr. Mark Rutte. E delegacion ta consisti di companianan manera KLM (logistica y turismo), IHC-Merwede (tecnologia y logistica), Strukton (infraestructura), De Baak (educacion y training), TNO (tecnologia sostenibel) y MultiPost (logistica y post). E yegada di e delegacion ta menos di dos luna despues di a clausura e conferecia di Europe Meets the Americas y ta un muestra cla cu Aruba a dal riba cabes di e clabo pa loke ta trata un industria nobo, y un di tres pilar economico pa stabilisa ainda mas e progreso di nos isla. □



tacto ta tumando luga riba diferente tereno. Ta evidente cu turismo ta un sector importante, pero diversificacion di economia y haciendo e economia ‘berde’ ta ofrece extra oportunidadnan”. Na e conferencia di EMA a yega na acuerdonan concreto entre

vo, tin asina hopi energia y no ta para keto. Cu esey nos por logra hopi.” Si Aruba logra pa bira independiente di carbon na 2020, esaki realmente ta un logro grandi,” e Embahador a indica, señalando tambe con bunita lo ta cu Aruba cu

Hobennan baseballista rumbo pa Boneiro

Premier Eman “Boso por, bay p’e titulo”

ORANJESTAD – E expectativa ta grandi pa loke un grupo di hoben pelotero di 11 – 12 aña di Center Little League por logra den un competencia cu ta bay tuma luga na Boneiro. “Boso por, bay p’e,” Premier Mike Eman a bisa e hobennan prome cu nan a aborda avion. Eman, kende semper ta encurasha y apoya deportistanan hoben pa lucha na momento di representa Aruba, tabata na aeropuerto pa desea nan tur clase di exito.

Center League a gana e derecho pa representa Aruba den e campeonato di Serie del Caribe, cu ta cuminsa awe diasabra na Boneiro. Un total di 14 hoben a forma parti di e seleccion di Aruba cu a bay yen di animo di por bolbe cu e titulo.



E hobennan a wordo compaña pa 4 adulto. “Ta bale la pena cu un Prome

Mandatario ta expresa palabranan di elogio y encurashamento na e muchanan

cu ta bay representa Aruba. E tabata tremendo discurso di e lider maximo di apoyo na nos

muchanan,” Benjamin Francis a expresa.

Ganador di e competencia aki ta bay participa den World Series na Williamsport, Pennsylvania. Si Aruba logra yega eynan, e ta bay ta un tremendo promocion pa Aruba, ya cu e e famoso canal deportivo ESPN ta transmiti e weganan tur aña.

Prome Minister Eman a bisa e muchanan cu Aruba ta hopi orguyoso caba di nan, pa motibo cu nan ta dedica nan mes na actividad sano, manera deporte. Y cu e no tin duda cu nan lo ta un digno representante di Aruba den exterior, manera baseball a haci den pasado caba. “Corda cu mi ta cu boso den mi pensamiento y mi sa cu boso por. □

Falta solamente e yerbe nan pa crece

Trabaonan dilanti di Bestuurskantoor no falta mucho pa keda cla

ORANJESTAD – Aruba ta den un proceso di embeyece-mento. Por a tuma nota cu dilanti di Bestuurskantoor tin trabaonan ta andando y tur esaki ta un parti di e proyecto di linear park. **BON DIA ARUBA** a combersa cu e un di e cabes di control di e proyecto aki cu ta sr Elly Werleman y ta contento cu e proyecto ta casi cla pa asina dilanti di edificio di Gobierno tur hende por admira e bunitesa di e parti di caminda.

YERBE

E proyecto aki Arubaanse wegenbouw ta esun cu ta percura pe, mester a traha ful un structura nobo cu banchi,

yerbe y klinker pa asina logra cambia e structura bieu. E trabaonan ta casi cla loke cu falta ta pa e yerbe nan crece y cu e mester wordo corta bunita pa asina planta algun mata algun caminda y despues e trabao lo ta cla completo.

MERCA

Ya caba a benta e simia nan pa e yerbe nan crece, pero asina cu nan crece manera mester ta lo por tuma nota unda mas falta pa sigui planta, E yerbe ta bin for di Merca segun sra Werleman. Pronto tanto nos Arubiano nan y turistanan por tuma nota di e cambio positivo y bunita dilanti di Bestuurskantoor. □



E campaña di Tropical Club & Casino ta sigui te cu dia 31 di Juli



ORANJESTAD - Recientemente Tropical Club & Casino a lansa su campaña pa e luna di Juli. Tur dia durante e luna di Juli 2013, Tropical Club & Casino lo regala un ipad na un hungado di slots. Pues 31 dia y 31 ipads pa regala. E campaña nobo "iWin", specialidad di tur dia a cuminsa riba dialuna dia 1 di Juli 2013 y ta tumando luga tur dia. E campaña aki lo continua te cu diaranson dia 31 di Juli. Tur e hungadonan fiel di Tropical Club & casino ta cordialmente invita pa bin bishita nan casino faborito pa e chens di gana un ipad y otro premionan fenomenal cu tin. Manera semper, mas "club entries" cu bo gana, mas bo ta chens bo ta haya di ta un feliz ganado. Participacion den e campaña di "iWin" ta automatico, ora cu bo sinta hunga un di e mashinnan di slot na Tropical Club & Casino. Bo ta gana un "entry" pornada pa e premio mayor cu cada 25 punto cu bo gana entre 12'or di merdia pa 10'or y 15 di anochi, despues tur anochi pa 11'or en punto lo saca un ganado di e ipad. E persona cu gana mester t'ey presente na momento cu e premio wordo saca pa por reclama esaki y mester por demostra un ID valido. "Nos ta wak algun accion tremendo di wega den e zomer aki y cu 31 ipads hayando nan cas nobo dentro di e luna aki", asina Sr. Trimon a bisa. Riba e potretnan por mira e ganadonan cu a gana nan ipad caba, Sr. Agustin Gomez, Sr. Albert Albus, Sr. Edwin Lopez, Sr. Jesus Chuello, Sr. Otto Davelaar, Sra. Jacqueline Kwidama, Sra. Judith Bermudez, Sra. Ludwina Boekhoudt, Sra. Myrtha Kock y Sra. Martha Nuboer. Sra. Mildred Lopez tambe a gana su ipad, pero e no ta den e potretnan. Bishita Tropical Club Casino durante e luna di Juli p'abo tambe por ta un feliz ganado. □



BIRA ABONADO Y CONOCE



Fort Lauderdale

CU:

BON DIA *Aruba*

Tara Air Aruba



Number: _____

Adres: _____

Tel/Cell: _____ **ID:** _____

ENTREGA NA BON DIA ARUBA

All taxes are excluded and must be paid by the passengers upon redeeming this. If there are changes of booking the passenger will pay the penalty as a regular customer of US\$ 28. Reservations made that have not been cancelled at least eight (8) hours prior to the booked flight (or no show passengers) are considered as "consumed". **IMPORTANT:** Please take notice that check in time is 2 hours prior to departure time.

DEPORTE

BON DIA



Tour di Francia ta sigui



Pagina B2

Billiard bola 9 na Boneiro



Pagina B3

Aruba a haya oportunidad di ta anfitrión



Pagina B4

Ceremonia di despedida pa peloteronan



Pagina B5

Ciclista Chris Froome ainda ta na prome luga

Mark Cavendish ta gana etapa 13 di Tour di Francia



Etapa 13 di Tour di Francia.

Saint-Amand, FRANCIA a gana ayera na Saint-Amand-Montrond e di 13 etapa di Tour di Francia, un careda



cu e Britanico Chris Froome a conserva e 'maillot' di lider aunke cu el a baha den tempo y e Spaño Alejandro Valverde a despedi for di e lucha. Di otro banda su compatriota Alberto Contador (Saxo) a logra recupera un minuut y 9 seconde contra e lider y awo ta na di tres luga general cu 2:45 minuut di diferencia di Froome, aumentando su ilusion di desconta tur den

Alpes, den e di tres siman di carera. "Mi ta hopi contento di e etapa aki, si a yega di bisa mi prome cu a Sali cu nos lo bay haci 1:10 riba e lider, lo a costa mi kere. Mi team tabata hopi fuerte y nos a dicidi di purba, pasobra nos tabata mira hende banda di e final," Contador ta señala. E di dos luga di general a keda pa e Hulandes Bauke Mollema cu 2:28 y na di cuater

luga e Checo Roma Kreuziger, compañero di Contador cu 2:48. □



Team di futbol Spaño ampliando politica nobo

Real Madrid a cumpra Asier Illarramendi pa 39 miyon di euro

Madrid, SPANÑA – E team di futbol Real Madrid a amplia su politica nobo di cumpra hungadonan hoben y talento



Presidente di Real Madrid Florentino Perez.

prometido local door di paga 39 miyon di euro pa adkiri e medio campista internacional Sub21 Asier Illarramendi, cu tabata hunga pa Real Sociedad.

E Presidente di Real Madrid, Florentino Perez, ta custumbra na "desembolsonan" economico grandi cu nan a trece Bernabeu e "galacticonan" manera David Beckham, Zinedine Zidane y Cristiano Ronaldo, pero e compra di Illarramendi a wordo produci despues di e acuerdonan pa incorpora e medio campista Isco, cu tabata den Malaga, y recupera e defensa Daniel Carvajal di Bayern Leverkusen di e Bundesliga.

E tres hungado a forma parti di e seleccion Spaño Sub21 cu a gana e campeonato di Europa di e categoria na Israel luna pasa. Isco y Illar-



Asier Illarramendi cu a wordo cumpra pa 39 miyon di euro.

ramendi ademas tabata den e team ideal di UEFA. Real Madrid a seya e acuerdo pa Illarramendi despues di a deposita e clausula di recesion

di 32,19 miyon di euro mas e IVA (6,76 miyon) den e Liga di Futbol Profesional, segun e Presidente di club "donosti-arra" Jokin Aperribay. □

Campeonato Panamericano bola 9 a ranca sali na Boneiro



Diferente persona y paisnan participante apertura di e Campeonato Panamericano Bola 9 2013 cu ta tumando luga e fin di siman pa comienso di siman na Boneiro.



Kralendijk, BONEIRO - Di ahuebs atardi tabatin apertura di e campeonato Panamericano di Bola 9 na Boneiro.

E apertura tabata algo hopi significativo y pueblo Boneriano mester ta orguyoso cu Boneiro ta Sede di Campeonato Panamericano di Bola 9 e aña cay. Ta cu trabou nan duro e organizacion di biliard di Boneiro a traha pa logra cu e campeonato aki a keda organisa na Boneiro. E aña aki e Campeonato Panamericano di Bola 9 a keda dedica na Sr. Manolo Soleano como e prome hungado di biliard di Boneiro cu a participa e campeonato aki algun aña pasa. E aña aki a toca turno pa Boneiro su organizacion di Biliard cu ta FEBIBO Federacion di Biliard di Boneiro pa organisa esaki.

Tabatin un desfile di e paisnan participante y na e ocasion aki tabatin diferente orador cu a hiba palabra y a boga pa un campeonato fructifero y amical como cu e base principal ta disciplina, y respet combina cu e amistad fraternal cu cada un pais ta cera cu otro den e campeonato aki.

Na principio tabatin huramentashon di ekiponan pa medio di un participante hubenil di Venezuela cu a haci e huramentashon na nomber di e ekiponan y tambe un representantenan di refereenan cu a haci e huramentashon na nomber di refereenan cu nan lo sa di ac-

tua honestemente.

Na e ocasion aki Sr. Peter Silberie representando diputado James Kroon encarga cu deporte di Boneiro cu no por tabata presente pa motibo di reunion di Consejo Insular, a bisa na nomber di diputado James Kroon y Gobierno di Boneiro a yama tur e pais nan participante un caluroso bon bini na Boneiro pa competi sanamente den Campeonato di Panamericano di Bola 9 2013 y cu tur pais sa di haci nan esfuerso pa conquista e premio maximo y cu deportivismo prevalece como cu esey ta esencial pa tur deporte.

Presidente di FEBIBO Sr. Aaron Martis cu tambe a hiba palabra a yama tur pais nan delegacion bon bini y a desea nan tur clase di exito den e campeonato di Panamericano di Bola 9 2013 cu ta tuma luga na Boneiro e aña aki. T'asina cu tabatin hopi trabou cu e keda realisa pa hopi instancia cu a hinca nan schouder bou di e proyecto aki asina pone Boneiro su nomber riba mapa mundial di biliard tambe. Entre otro e sponsor principal Fundacion Wega di Number Boneiro FWNB, MCB, diputado Kroon y Obersi Group.

Señor Martis a gradici tur e sponsornan cu a kere den e proyecto aki cu awe Boneiro ta keda beneficia y organisa un campeonato di e taya aki. □

Danki na e ayudo di Comision di Subsidio

Quincy Breell prospecto den atletismo a participa na e Nederlandse Kampioenschappen

ORANJESTAD - Despues di un preparacion largo di varios luna intensivo di entrenamiento, porfin e gran dia a yega pa e prospecto hoben atleta di salto largo y velocidad Quincy Breell a realisa su soño door di haya e oportunidad pa prome biaha competi den e Nederlandse Kampioenschappen Atletiek. Notabel ta cu Quincy a clasifica pa e por a competi den e campeonato Hulandes di atletismo. Recientemente e atleta, Quincy Breell, miembro di e club di atletismo Aruba Athletic Club (AAC) a sali pa madre patria Hulanda hunto cu su

trainingspartner Shaquille Lourens pa asina competi den e careda di mas grandi di atletismo na Hulanda. Na Aruba, Quincy Breell ta e recordholder den salto largo cu 7.20m. E atleta a competi den categoria senior. Hunto cu Breell a biaha tambe su entrenador Sra. Evelyn Farrell. Comision di Subsidio a sostene e atleta Breell door di otorg'e ayudo financiero necesario pa asina e por participa na e competencia na Hulanda. Danki na e vision di Minister di Salubridad Publico y Deporte, Dr. Richard Visser cu ta purba di hiba e deporte Aru-

bano na otro nivel, tabata posibel cu Comision di Subsidio por a yuda Breell. E Comision di Subsidio cu ayudo di e Comision Tecnico ta haci nan maximo esfuerso pa tur deporte, sea semper teniendo na cuenta cu e normanan di subsidio ta conforme cu loke a ser stipula. □



Campeonato Latino Americano di Junior League Baseball na Aruba

Minister Visser ta feliz di aporta na deporte

ORANJESTAD - Durante di e conferencia di prensa yama pa Aruba Little League a duna oportunidad pa patrocinadonan di e evento dirigi nan mes na e publico presente. Representante di Ministerio di Salubridad y Deporte, Sra. Verouschka Croes a hiba palabra unda el a bisa cu Minister Visser ta masha contento cu Aruba a haya e oportunidad pa un biaha mas ta e anfitrión di e campeonato di baseball Latino Americano e biaha aki Junior League. Algun aña atras, ora Sr. Heronimo a puntra si Aruba por ta pais anfitrión di e baseball

Latino Americano 2013, mersora Minister Visser a bisa si, esaki mirando cu Aruba su hoben peloteran ta exitoso internacionalmente y ya pa varios aña ta logrando cosnan grandi den exterior. Baseball ta un deporte hopi gusta y sigur popular na Aruba. E deporte dia pa dia ta creciendo y peloteran di Aruba ta briya unda cu nan bay, p'esey mes a dicide di aporta te na unda cu por. Segun Sra. Croes, e ta importante pa muestra cu Aruba por anfitrión campeonatonan internacional di deporte na Aruba.

E aporte ta grandi pa loke ta e organisacion, ta asina ta contribui cu e cu apertura, transporte, ect. Na banda di esaki FFD a drecha e tereno di baseball na Pos Chikito unda a percura pa e luznan funciona optimal y e tereno mes haya full un capa nobo. Den e stadion di Nadi Croes/ Crismo Angela a drecha e infield completo ponien- do esaki manera prescribi. Na final, Sra. Croes a desea ambos seleccion di Aruba tur clase di exito, sperando cu e titulo Latino Americano Aruba por retene den cas propio. □



Representante di Ministerio di Salubridad y Deporte, Sra. Verouschka Croes.

Receta di Mami

Bon Appetit!

• BON APPETIT • BON APPETIT •



Arroz cu relleno

Ingredientenan:

- 6 cup di aroz herbi
- 2 cuchara grandi di manteca/margarina Blue Band
- 1 theelep di paprika
- 1 theelep di salo
- ½ lb di carni di porco mula y hasa
- 2 ciboyo corta chiquito
- 4 wortel herbi y corta chiquito
- 1 bleki di sweet peas
- 2 bleki di saus di tomati
- 4 webo herbi duro
- 2 promenton corta chiquito
- 1 cup di rasenchi
- ½ cup di sour cream
- 1 theelep di salo
- ½ theelep di peper



Preparacion:

Combina e aroz cu e manteca, paprika y salo. Pone mitar di e mezcla aki den un baking dish (ormo) of casserole, hunte cu res. Strooi mitar di e carni riba dje. Combina e demas ingredientenan. Sasona nan cu salo y peper segun gusto. Basha mitar di e mazcla ariba e carni di porco. Ripiti esaki cu e resto di aroz, carni y mezcla di berdura. Horne na 350°grado pa 30 of 40 minuut. Dorne cu olifji preto.

Pa 6 persona

A sali pa Serie Del Caribe na Boneiro

Bunita ceremonia di despedida pa e peloteronan di Aruba Center Little League

ORANJESTAD - Diahuebs anochi, durante di un rato ameno yena cu sorpresa na Paseo Herencia, e ekipo campeon di baseball Little League esta Aruba Center League a tuma despedida di e fanaticada, mayornan, famia y conocirnan como tambe tur cu a sostene e organisacion di Center den e temporada di baseball tras di lomba. Gerente di Paseo Herencia a hinca un programa bunita den otro pa asina rindi e homenahe na nos peloteronan

hoben kendenan ayera a bi-aha pa nos hermana isla di Boneiro, unda lo representa Aruba den e campeonato di baseball Serie del Caribe. Diferente persona a hiba palabra na e ceremonia di despedida, entre otro e DA, Sr. Rhudy Donata, Hefe di delegacion, Sr. Braulio Wester, patrosinador RBC, Sr. Carlos Eckmeyer, Gerente General di Paseo Herencia, Sra. Valerie Pietersz y Parlamentario Sr. Donny Rasmijn. Cada un a elogia e preparacion debido



Despedida pa peloteronan di Aruba Center Little League.



cu e seleccion a hiba, e sacrificio, esfuerzo, dedicacion, disciplina y determinacion ta puntonan fuerte di Aruba Center League. No cabe duda cu e muchanan lo haci un bon papel na Boneiro, ohala nan por logra bin cu e titulo maximo pa Aruba. Despues bou ritmo di musico a introduci e hungadonan y e staf tecnico un pa un na e publico presente. E seleccion a ricibi regalo for di e compania Totto, mientras cu Pader Felix a duna e bendicion na e seleccion. Por ultimo, Paseo Herencia a treat e peloteronan un delicioso pizza como tambe algo di bebe. Hopi exito na e seleccion di Aruba Center League durante di e campeonato Serie del Caribe di baseball na Boneiro. □





Ganadonan di e rifa di Key Club Colegio Arubano ta conoci

Pagina B8

Hertz Aruba a ricibi premio



Pagina B7

E famoso chef Dino Jagtiani cu demostracion na Aruba



Pagina B9

Pareha Howley honra door di Aruba Tourism Authority



Pagina B15

Pa region Latino Americano y Caribe:

Hertz Aruba a ricibi Premio “Award of Excellence for Exceptional Customer Service and Revenue Growth 2012

ORANJESTAD - Hertz Aruba cu inmenso orguyo ta informa cu Hertz a ricibi prestigioso reconocimiento pa cu Excelencia den Servicio y Crecemento pa aña 2012.

Hertz International Inc., asina ta reconoce e trabou sin precedente haci door di staf y personal di Hertz Aruba durante ultimo añanan. Esaki ta un testimonio bibo di calidad di

servicio y producto cu Hertz ta ofrece y ta haci nan number 1 den wowo di tur biahero cu ta interesa den calidad, bon

rendimento y servicio calido, amabel y cordial cu Aruba ta conoci pe rond mundo. General Manager di Hertz Aruba, Sr. Vince Solognier, y staf y personal di Hertz Aruba ta sumamente contento cu e reconocimiento aki cu ta sigur un señal cu nan ta riba e bon caminda. Hertz Aruba ta hunga un papel importante den e area di servicio di transportacion cu ta sostene crecimiento di nos industria di turismo. Hertz, como e compania di autonnan di huur mas grandi ta ofrece no solamente e miho calidad di vehiculo, pero tambe e miho dealnan cu ta contribui cu un miho experiencia posibel. Hertz Aruba su oficina principal ta situa na Sabana Blanco, pero tambe ta conta cu presencia na ho-

telnan principal manera Divi Aruba All Inclusive, Divi Village, Hyatt Regency, Aruban Resort & Casino, Radisson Aruba Resort & Casino, Tamarijn Beach All Inclusive, The Westin Aruba Resort, Aruba Phoenix Beach Resort, the Aruba Marriott Resort & Stellaris Casino, Renaissance Marina, Renaissance Suites, Marriott Aruba Ocean Club y na Aeropuerto Internacional Reina Beatrix. Pa mas informacion por yama na number di telefon 5821845 of bishita nan na oficina of bishita e website na www.arubarentcar.com. Riba e potretnan por mira parti di e reconocimiento aki. Recientemente henter e famia di Hertz Aruba a celebra di un manera familiar e logro aki engrande. □



Aruba Tourism Authority:

Pareha Davis a wordo honra na Divi Dutch Village



ORANJESTAD - Recientemente Sr. Thomas y Sra. Diane Davis a wordo honra como Bishitantenan Distingui despues di ta regresa Aruba pa di 13 aña consecutivo. E titulo simbolico aki ta wordo presenta den nomber di Minister di Turismo como un muestra di aprecio na huespednan cu ta bishita Aruba entre 10 pa 20 aña consecutivo. E ceremonia a wordo conduci door di Sr. Ricardo Croes representando Aruba Tourism Authority. E motibo principal cu pareha Davis ta bin tur aña Aruba ta pa e cumindanan crioyo, beachnan y e hendenan cordial di Aruba. □

Aruba In Style a presenta un ‘preview’ di moda durante Aruba International Film Festival y Aruba Hi-Winds

ORANJESTAD - Drentando su di tres edicion, Aruba In Style a presenta un ‘preview’ di moda durante e anochi final di Aruba International Film Festival (AIFF) y Aruba Hi-Winds. Culminando otro evento exitoso durante e ‘award night’ di AIFF, Aruba In Style (AIS) a presenta un show di bikini di Agua Bendita. Den e forma elegante aki

a anuncia e fechanan nobo pa e di tres edicion na tur presente, esta prensa local y internacional, e streanan di cine manera Paul Verhoeven y Zoe Bell como tambe esunnan di Latino America, Maria Conchita Alonso y Ismael Cala di CNN Español. Durante Hi-Winds AIS a presenta otro show di moda patrocina pa Banana Moon pa tur presente



asina aki capturando un otro publico. Conhuntamente cu asociacion IMG Fashion NY y Aruba Tourism Authority, Aruba In Style 2013 lo start sali den luna di november. Un fin di siman cu shownan di diseñador internacional y local, celebradnan, cocktail parties cu lo wordo presencia pa entre otro prensa internacional y local. E enfoke di AIS pa e aña a kita Latino America mirando cu esaki ta un mercado cu a crece hopi den ultimo añanan caminda cu ta purba di atrae un mercado di calidad cu tin e potencial di compra asina aki invertiendo den nos economia. □



Ganadonan di e rifa di Key Club Colegio Arubano

ORANJESTAD - Diasabra dia 29 di Juni, Key Club Colegio Arubano a saca e ganadonan di nan rifa den presencia di diferente miembro y notario Ted Johnson. E rifa aki tabata pa e miembronan recauda fondo pa nan por participa den e Key Club International Convention, cual ta tuma luga na Washington D.C., durante e prome siman di Juli. Na e convencion aki e miembro nan lo atende diferente tayernan over di liderazgo hubenil, teambuilding y proyectonan pa yuda comunidad. E miembronan lo trece e conocimiento di e tayernan cu nan a atende pa asina sigui

yuda e comunidad di Aruba. E dies ganadonan ta: Queenie Ng (Ticket #4287 - Ticket cu Insel Air to Corsou), Solmari Orman (Ticket #4030 - Un camara digital), Romar Trading N.V. (Ticket #7486 - Weekend Stay na Playa Linda), Paul Croes (Ticket #4755 - basket special di Maggy's), Romar Trading N.V. (Ticket #7482 - Dinner pa 2 persona na Blossoms), Liv Stamper (Ticket #3692 - Gift Certificate di Healthy Living Club), Maria Webb (Ticket #8360 - Basket special di Dufry), Vincent van Dinter (Ticket #3966 - Dinner pa 2 persona na JH Yee's Asian Bistro),



Boogaard Assurantien (Ticket #2897 - Gift Certificate Scol Di Baile Pachanga), Enrique de Cuba (Ticket #4630

- Regalo special di Penha). Pabien na tur e ganadonan. Premionan lo wordo parti dia 11 di Juli.

Di parti di Key Club Colegio Arubano, nos ta gradici tur e sponsor nan y hende nan cu a aporta na e rifa. □

E famoso chef Dino Jagtiani cu demostracion na Aruba

ORANJESTAD - Chef Dino cu ta doño di diferente restaurant exitoso na e isla di Sint Maarten a bishita Aruba recientemente como huesped di Divi Resort y Compra NV. E chef cu ta decora y cu a gana e "Iron Chef Amazon


Challenge", a conduci un demostracion culinario na Windows restaurant di Divi Links, cushinando un almuerzo amplio cu colaboracion di cinco chef local cu ta bon estableci aki na Aruba cual ta Bas Kuurstra, Cristobal Sanchez, Ilja Cybulski, Harmen van Goor y Lake Soniel cu ta responsabel pa e excelencia di e "Aruba Wine & Dine restaurant-group kitchens". E iniciativa a disfruta di e sosten completo di Windows restaurant su team culinario bou di e direccion di e chef ehecutivo, Paul Zijlstra. Chef Dino kende a nace y a wordo lanta



na Sint Maarten a bisa cu e tabata sa cu e cushina tabata pe. Como un graduado di e Culinary Institute of America, e la bay traha den algun establecimiento rond di Caribe y na Europa, y na 2002 el a realisa

su soño di a habri su mesun restaurant cu yama "Temptations", cu a haya un acogida top den e escena di restaurantnan na Sint Maarten. Na 2005 el a habri un steakhouse cu yama "Rare", cual a bira

e prome steakhouse den Caribe pa ofrece "dry aged Cab Prime Steaks". Riba e potretan por mira parti di e demostracion di chef Dino Jagtiani cual a tuma luga na Windows restaurant na Divi Links. □



Muchanan di tra'i merdia a bishita Parlamento di Aruba



ORANJESTAD - Diahuebs un grupo di mucha a bishita Parlamento di Aruba. Nan ta pertenece na un camp di Tra'i Merdia. Hunto cu nan tanchi nan, nan a presencia parti di un reunion cu tabata andando den Parlamento y despues nan a pasa den sala. Parlamentarionan di diferente fraccion a duna e muchanan di tra'i merdia splicacion y a purba inspira nan pa bira futuro politiconan di Aruba. E muchanan a keda hopi contento cu e informacion cu nan a haya for di e Parlamentarionan. □

AVB den cooperacion cu IBISA y KNVB ta organisa curso

“KNVB Jeugdtrainer”

ORANJESTAD - Directiva di AVB ta informa cu durante dianan 16 pa 18 di Juli 2013, lo organisa un curso di “KNVB Jeugdtrainer” pa tur entrenadonan di ekiponan infantil y hubenil. Pero tambe mayornan, coachnan di otro deportenan y tur otro persona cu ta interesa pa haya sa mas di training di mucha por participa. E orario lo ta di 6'or di atardi te cu 9'or y mey di anochi.

E curso aki lo wordo duna door di Sr. Joy Sint-Jago cu sigur no ta un desconoci y cu tin hopi aña caba ta traha como docente di KNVB. Durante e curso aki lo haya parti di teoria, pero tambe parti di practica. Entre otro lo trata con pa prepara un training, kico ta locual mester tene cuenta cun'e den e diferente categorianan infantil y hubenil, diferente forma di training pa e mucha desaroya su futbol. E curso aki lo tuma lugar na Stadion Frans Figaroa y lo ta completamente gratis. Dialuna dia 15 Juni lo tin un anochi di informacion pa tur esunnan cu a inscribi.

Tur esunnan interesa por manda nan informacion via e-mail na avbaruba@hotmail.com. Of por pasa na oficina di AVB den cura di Stadion Frans Figaroa pa un formulario. Pa cualkier pregunta por tuma contacto cu Sr. Randolph Lacle na number di celular 7446380. □

Aruba Tourism Authority ta sigui honra bishitantenan cu ta bin Aruba tur aña



ORANJESTAD - Recientemente Aruba Tourism Authority tabata tin e grato placer di por a honra Sra. Henni Leibman for di San Diego, California como Embahador di Bon Boluntad y Sr. Lawrence y Sra. Brenda Gaillard for di Rex, Georgia como Bishitantenan Distingui.

E certificado a wordo entrega door di Sra. Marouska Heyliger, representando ATA.

Riba e potret por mira e personanan cu a wordo honra. □



“ Señor ta mi wardador, mi n’ tin falta di nada;
Den cunucu di yerba berde, E ta ponemi sosega.
E ta hibami na awa tranquil, pa mi bolbe haña forsa. ”
Salmo 23:1,2,3

Cu honda pena pero conforme cu boluntad di Dios, nos ta anuncia fayecimento cristian di:



Nicolaas Henriquez
mihor conoci como: “Papa Nico”
6 augustus 1929 - 11 juli 2013

Na number di su:

Esposa: Carmen Henriquez-Bermudez

Yiunan: Martha Henriquez
Belia Henriquez
Glenda y Rudolf Angela-Henriquez
Mikel Henriquez y Martha Nuboer

Mescos cu yiu: Celestina y Steban (Baanchi)Koolman

Nieta y nietonan: Shanon Croes
Ginangely y Gilbert Croes
Giandro Croes y Michelle Bromet
Zynushka y Rolf Fluonia-Maduro
Jefferson Maduro y Juna Everon
Giselle Angela y Jaime Carrasquilla
Gisleen Angela y Jean-Pierre Leanez
Gerson Angela
Sharlot y Alexander Cellaire-Henriquez
Mike Henriquez

Bisanieta y bisanietanan: Ginayly, Jossy-Ann, Edmygainie, Shandeah, Sirena, Zylienne, Kyzhiana, Jada, Jason, Yozue, Erizienne, Jaythean, Jevin, Jeanylaine, Charlaime, Charmaine, Genesis, Michella, Elizabeth, Isabella, Kiersie, Shurdaine

Rumannan: Gabriel Henriquez y famia
Nicomeda Rollock-Henriquez y famia
Colastica Henriquez y Jerry Vingal y famia
† Leonardo Henriquez y famia

Tanta: Maria Geerman y famia

Ex nuera: Ortencia Croes
Ex yernonan: Rosario Maduro
Filomeno Croes

Bon bisiñanan: Francisca Maduro y famia, Luisa (Isha)Angela y famia, Martial Guerrier y famia, Leoncio Kock y famia, Cerilio Maduro y famia, Sinaida y Javier Telleria y famia, Marianela y Willington Perez y famia, Juan Velazquez y esposa

Comer y compernan, prima y primonan, sobrino y sobrinanan, amigonan

Demas famia: Henriquez, Bermudez, Croes, Angela, Maduro, Fluonia, Cellaire, Ridderstap, de Windt, Geerman, Ras, Hernandez, Briezen, Molina, Gonzalez, Rollock, Kock, Navas, Koolman, Vingal
Ta invita tur amigo, bisiña y conoci pa asisti na e acto di entiero cual ta tuma lugar Diasabra 13 di Juli pa 11'or di mainta saliendo for di Misa Sta. Teresita pa santana catolico na San Nicolas. E resto mortal lo ta reposa for di 9'or di mainta den Misa Sta. Teresita na San Nicolas.

Adres pa condolencia: The Olive Tree Funeral Home - San Nicolas
Diabierna 12 di Juli 2013 di 7'or pa 9'or di anochi

Nos ta lamenta cu despues di entiero nos no por ricibi bishita di condolencia na cas.

Nos kier a pidi nos disculpa si nos por a lubida un of otro famia den nos tristeza.



Gradicimento

Señora, yiunan, nieto, rumanan, sobrinonan y demas famia ta extende palabranan di gratitud:

- pa tur e yamadanan telefonico, e-mails, kaarchi y flornan,
- na tur esnan cu personalmente a comparti e sintimentonan cu e famia na ora di entiero di nan difunto stima



Carlos Antonio Marquez
mihor conoci como “Cai” of “Marquez”

Un danki tambe na zusternan di Wit Gele Kruis kendenan a asisti nan difunto stima durante e ultimo 12 añanan di su bida. Na personal di servicio di ambulans, verpleegsternan di Eerste Hulp I riba piso I na Dr. Meelis y su doctor di cas pa hopi anja Dr. John Croes

Un danki special na staf y personal di The Olive Tree Funeral Home pa nan excelente servicio.

Cu inmenso tristeza den nos curason, pero conforme cu boluntad di Dios, nos ta participa cu a fayece na Den Haag, Hulanda:



HAYRO ALEX PEREZ

Na number di su: Mama Sra. Vda. Teresita Perez-Blanca

Rumannan:
Lourdes y Franklin Dijkhoff-Prez
Anita Perez
Mary Perez
Esther y Leo Erasmus-Perez
Rayza Perez
Lucy y Ronny Damia-Perez na Hulanda
Ernest y Linda Perez-Fingal
Lindon y Rubin Perez-Peters

Sobrino- y sobrinanan:
Liliana, Dino, Ryan, Allen, Ivan, Ivette, Giano, Raywalt, Klevin, Alvin, Marc, Jayden y Allisson.

Tanta- y omonan na Aruba, Curacao y Venezuela, madrina y padrino, primo y primanan, amigo(a)nan y demas conocirnan.

Acto di cremacion lo tuma lugar na Hulanda deia 15 di juli pa 9'or di mainta na crematorium Nieuw Eykenduinen, Kamperfoeliestraat 2-A, 2563 KJ den Haag.

Dia y adres pa condolencia: Dialuna 15 di Juli, 2013 di 7'or pa 9'or pm na Tanki Leendert 136



Gradicimento/ Invitacion

Pa medio di esaki Yuinan y demas famia kier a gradici tur esnan cu di un of otro manera a demostra nan atencion durante fayecimento y entiero de nos difunto stima.



Sr. Vdo Basilio Anastacio Jansen (Ovito)

Un danki ta bai na famianan, conocirnan y amigo nan cu a muestra nan aprecio. Un danki special na Aurora Funeal Home pa nan bon servicio, Dr Kock, Dr Garcia, Dr Colson, Team di Dialyse afdeling na Dr. Horacio E. Oduber Hospital, Personal nan di Lite life. Na Sr. Max Hassell cu a canta cantica nan masha bunita.

Tur esnan cu a manda krans, flor, tarjeta, yamadanan.

Boso sosten y atencion tabata un gran Consuelo pa nos.

Alavez nos ta invita pa compaña nos na 3 santo sacrificio de misa cu lo tuma lugar dianan:

14 juli 2013 : 10.or am

16 juli 2013: 7or pm

18 juli 2013 : 7orpm na misa Santa Filomena na Paradera.despues di misa tin un rosario na Rooi afo 59





“ The Lord is my shepherd; I shall not want.
Ps. 23:1

Everything else is hurting except MS. Mary

With immense sorrow and pain in our heart, but according to God's will, we announce the death of our beloved:



Leonor Agatha Enrique-Brown
Better known as “Ms Nora”
Sun rise: September 27, 1923
Sun Set: July 4, 2013

Left to mourn are her:

Daughter: Elaine Olinda Brown-Milton
Adopted Daughter: Astrid Eddie
Adopted Son: Sherman Phillip (Biltje, Boy)

Grandchildren: Francisca Helmen-Cremoney
Sandra Helmen-Gunpot
Franklin Helmen(Frankie)
Shanella Depusoir
Igmarr Depusoir

Great Grandchildren: Kashiff Cremoney
Melaney Cremoney
Chante Helmen
Franklin Helmen, Jr.
Franklin M. Helmen
Ryan Helmen
Bassanio Gunpot, Jr.
Daniel Gunpot

Son-in-laws: Louis Cremoney
Bassanio Gunpot

Godchild: Eveline Bernadina & family

Related family: Gertie Berkel (Niece), Eldon Tarr (Nephew), Ursula Brown (Niece)
And other nieces and nephews too numerous to mention.

Close friends: Jean John, Sandra Oduber, Humphrey Bergrok, Michael Krozendijk, Chester Berkel, Mary Dayrample and daughter, Imelda Jacobs, Bernice Illis, Gertrude Panto-phlet, Stella Enser-Vesprey, Mr. & Mrs John Booi, Victoria Andrews, Lucy Bardouille-Sharpe, Alice Carty, Altagracia Murray, Emily Illidge, the Helmen Family, Lucinda Romb-ley, Higinia Thomas, Patricia Richardson (St,Thomas), Robby Geerman-Aruba Gas Supply and other friends too numerous to mention.

The Methodist Congregation, especially the Wesley Congregation-Oranjestad, Members of the Benevolent Improvement Association, Members of the YMCA, Brothers & Sisters of The House Hold of Ruth, Members of the Legion of Mary

Neighbors: Jacobs, Geerman, Martes, Bowers, Krozendijk, Gloria Tromp, Goedhoop, Winklaar, Zara, Oscar Daal, Bermudez, Bergrok, Bronswinkel, Ana Gerigorio, AND ALL THE DAKOTEROS. MA LOVES ALL OF YOU.

She was related to: The Brown, Helmen, Kinsale, Eddie, Kruythoff, Chittick, Coco, Cremoney, Thomas, Nedd, Gibbs, Hazel, Phillips, Berkel, Peters, Bryson, Heyliger, Illidge, Il-lis, Rombly, Romney, Pantophlet, Dupersoy, Canwood, Murray, Mingo, Hodge, Tarr, Cooper, Arrindell, Busby, Richardson, Milton.

Please accept my apology, if I forgot anybody.

The funeral will take place on Monday July 15, 2013 at 4 o'clock leaving the Birgen di Fatima Church to the Central cemetery in Sabana Basora. The late Ms Nora will be laid out from 2 o'clock in the afternoon in the Birgen di Fatima Church in Dakota.

Condolence address: The Olive Tree Funeral Home in Cu-mana

Sunday July 14, 2013 from 2 to 6 in the afternoon

After the funeral please no condolences at home.



Tel: 593-0857 / 588-6699 / 560-1403
Fax: 588-6698

El a stima bida. Semper alegre y contento.
Despues di un bataya fuerte contra un malesa incurabel, el a perde e bataya y a bai sosega den brasa di Senjor.

Cu honda pena pero contento pa tur loke el a nifica pa nos, famia SPELLEN ta anuncia fayasimento cristianamente di nos ruman:



JEAN IRMIS FRANK-SPELLEN (Williams)
Aruba 1-4-1946 - Miami 12-5-2013

Na nomber di su:

Casa: Sidney B. Frank

Rumannan:
Yvonne Spellen y yiu
Jacqueline Spellen Josef Spellen y
Jolanda Spellen-Angela y yiunan
George Spellen y yiu
Bob Spellen y Mary Spellen-Galan y yiunan
Barbara Spellen
Norma Brinkenberg-Spellen y Marinus Brinken-berg y yiunan
Cassandra Heijnen-Spellen y John Heijnen
Valerie Spellen y yiunan

Sobrino (a) nan: Gay Spellen
Marcello Brinkenberg
Monica Brinkenberg
Nicole Spellen
Yelitza Spellen
Jonel Spellen
Gillian Spellen
Jamie Spellen
Nathalie v/d Linde
Barbara Lisa v/d Linde
Stephanie v/d Linde
Rebecca Spellen

Tur sobrosobrino(a)nan na Aruba, Curacao, Hulanda y U.S.A.

Tur primo y primanan na Aruba famianan: Lejuez, Peterson, Gomes.

Na Canada y USA: famia Gouveia, Lejuez y Gomes

Tur su amiga y amigonan, mucho hopi pa menciona

Famia: Frank, Gomes, Peterson, Angela, Petit, Quant, Brinkenberg, Galan, Heijnen, Oduber, Noguera, Ploeger, Lejuez, Figaroa, Nouel, Mou-dain, Johnson, Gunther.

Tabata e deseo di e difunto pa e worde crema y su restonan sosega na Aruba. Despedida y entierro ta tuma lugar diasabra mainta 13 di juli 2013 na Aurora Funeral Home di 9:00 - 11:00 am. Despues pa santana catolico na Savaneta.

Por favor bisti colornan alegre. En bes di flor please duna un donacion pa un causa social na nos isla. Un box lo ta disponibel pa esaki.



Tel: 593-0857 / 588-6699 / 560-1403
Fax: 588-6698

Gradicimento y invitacion

Pa medio di esaki famia kier a gradici tur esnan cu di un of otro manera a muestra nan atencion durante fayasimento y entierro di nos defuno stima



Herbert W.A. Nisbet
mihor conocir como "Hobby"

Alavez nos ta invita famia, amigo y conocir-nan pa 3 sacrificio di misa cual lo tuma lugar na misa Santa Filomena na Paradera, diabierna 12, diasabra 13 y dialuna 15 di juli 2013 pa 7'or di anochi.

Boso presencia lo ta altamente aprecia.



Tel: 593-0857 / 588-6699 / 560-1403
Fax: 588-6698

Gradicimento

Pa medio di esaki nos kier a gradici tur esnan cu di un manera of otro a muestra nan atencion y a sostene famia durante entierro di nos kerido:



Edison Lucibel Graciete

Un danki ta bay na :

. Tur famia, conoci y amistadnan
. Tur su amigo y amiganan
. Tur cu a yama, manda e-mail, telegram, tarheta of cu a manda condolencia for di medio di comunicacion tanto na Aruba y Exterior
. Tur cu a manda flor, krans
. Un danki ta bay na staff y personal di Aurora Funeral Home pa nan servicio super amabel y nan cooperacion den e momentonan dificil aki.
. Un danki special ta bay pa sra. Trude Hassel y tur esnan den e cuerpo cu a yuda na ora di e entierro

Boso muestra di atencion y sosten a nifica hopi y tawata di gran consuelo pa nos.

Na nomber di su señora, yiu, tata, mama, rumannan y demas famia

Un siman di diversion pa nos muchanan

Tremendo proyecto di UNOCA y scol di arte pa nos muchanan



ORANJESTAD — Nos muchanan ta cu vakantie y diferente mayor a percura pa nan yiu haya un siman di diversion y educacion. UNOCA conhuntamente cu scol di arte a prepara un tremendo siman di diversion pa nos muchanan. Sra Sonia Goeloe ta e lider di e grupo di e muchanan. E tabata un siman yena di actividad cu e muchanan por a siña diferente cosnan nobo.

SANTA ROSA

Na scol di arte e muchanan a siña pintamento, obra di man, zumba, informacion di mucha y na final e grupo a bay Santa Rosa. E muchanan a conoce diferente bestia y nan nomber, tambe nan a conoce diferente matanan cu nan nomber y alabes nan a siña planta mata. E proyecto aki a dura solamente un siman unda cu e muchanan a pasa dushi y por bay cu bunita recuerdo di UNOCA y scol di arte.

HOBENNAN

Awor lo cuminsa e siman pa e hobennan di 29 di juli pa 2 di augustus lo tin un siman pa e hobennan. E programa aki ta adapta na nan edad, nan lo siña diseña nan mes un paña, pintamento, zumba, caipuera, obra di man y tambe lo bay Arikok. Lo ta bay ta un siman di diversion pa nos hobennan. E inscripcion ta habri ainda y tur mayor por busca informacion na scol di arte of na UNOCA, tambe por yama na 5849168. □



Aurora
Funeral Home

Tel: 593-0857 / 588-6699 / 560-1403
Fax: 588-6698

Gradicimento y invitacion

Cu un curason yena cu gratitud, sra Francica Dirksz, yunan y demas famia kier a gradici tur esnan cu di un of otro forma a demostra nan atencion durante fayecimento inespera y entiero di nos difunto stima



Sr. Marco Antonio Ernestino Brete
mihor conoci como "Tino of Marco"

Gradicimento ta bay na rumannan, omo y tantanan, subrina y subrinonan, prima y primonan, comer y compernan, equiponan di Bolas criollas, demas famia, bisiñanan, amistadesnan, conocirnan y demas instancianan cu a duna sosten y forsa den momentonan dificil aki. Tur esnan cu a manda flor, kranes, mensahenan, yamadanan y donacionnan, nos ta gradici bosonan di curason, esakinan tabata di gran consuelo pa nos.

Alavez nos ta invita pa compaña nos na 3 santo sacrificio di misa cu lo tuma lugar diasabra 13 di juli pa 7'or di anochi, dialuna 15 di juli pa 6.30 di anochi y diaranson 17 di juli pa 6.30 di anochi na misa Santa Anna na Noord. Boso presencia lo ta altamente aprecia.



DOCTER NA WARD

Oranjestad
Juli 13 Dr. Dassen
Juli 14 Dr. Yagua-Fingal

EMERGENCIA

911



POLIS	100
POLIS	581-1100
ORANJESTAD	582-4000
NOORD	587-0009
STA. CRUZ	585-4710
SAVANETA	584-7000
SAN NICOLAS	584-5000
BRANDWEER	115
BRANDWEER	582-1108
POLIS TIPLINE	11141
HOSPITAL	527-4000
AMBULANCE	582-1234
SAN NICOLAS	
AMBULANCE	584-5050

BOTICA

O'STAD: Kibrahacha Tel. 582-2007
S. NICOLAS: Centro Medico Tel: 584-5794

SERVICES

INFORMATION	118
SETAR	582-2116
TAXI	582-5900
TAXI-TAS	587-5900
PROF. TAXI	588-0035
TAXI D.T.S.	587-2300
SERVICE ARUBA	583-3232

CRUISESHIP

Juli 15 Monarch

MORTUARIO

AD Patres	584-2299
Aurora	588-6699
Mementomori	583-3358
The Olive Tree	584-8888

FOUNDATION FELLOWSHIP CLINIC

Tel: 584-6440
Alcoholism & Drug Addiction,
Anonymity guaranteed

FUNDACION Anti-Droga Aruba

(FADA) Tel: 583-2999

FUNDACION Respetami

Tel: 582-4433

Diabetic Foundation Arubano

Tel: 583-3808

Narcotics Anonymous

Tel: 583-8989

Foundation Amor pa Prohimo

Tel: 583-3345 /586-6976

Women in Difficulties Foundation

Tel: 583-5400



Bo cadena
di numbernan
di suerte ta duna
e number di awe

SORTEO DI 12 JULI 2013



LOTTO 5 15-16-18-
26-35
JOKER 03
LETTER E

ZODIAC 1172
GEMINIS

BIG 4 9158

CAT O CHU 3052
6591
6664

LOTTO DIA 01-05-06-
13-21

MEGA 06-11-22-28
MEGABALL
05

KORSOU 8653
4634
5992

DIARIO 4902
8439
1871

SUPER 4 3466

SORTEO DI 10 JULI 2013

JACKPOT \$ 36 MILLION
13-17-20-
23-24-30-x2

SORTEO DI 9 JULI 2013

MEGA MILLION 3-21-43-45-
48-14-x2

JACKPOT \$ 13 MILLION

Meteo Aruba:

**Tempo ta por
lo general
parcialmente
nubla cu chens
pa awasero
durante oranan
di diasabra y
diadomingo
mainta**

ORANJESTAD - Situacion general di tempo ta indica cu un fluho di aire relativamente mas seco den nos region lo stroba desaroyo di mayoria nubia cu por ocasiona awasero significante riba e islanan ABC. E regimen di biento modera lo genera condicion di lama basta trankil. Tambe e regimen di biento fuerte lo continua durante e proximo dianan.

CONDICION DI LAMA
Por lo general modera te localmente basta bruto cu altura di olanan entre 1 y 2 meter.

TEMPO PA AWE MAINTA
Shelo lo ta parcialmente nubla. Lo bay tin leve posibilidad di awa. Temperatura maximo: 33°. Indice di calor lo ta te 37°. Indice ultraviolet: 10. Biento ta for di direccion oost alrededor di 18nudo, cu rafaga te 28 nudo. Posibilidad di awa lo ta menos cu 20 %. Precipitacion lo ta menos cu 2 mm.

TEMPO PA AWE NOCHI
Shelo lo ta parcialmente nubla. Lo bay tin leve posibilidad di awa. Temperatura minimo: 27°. Biento ta for di direccion oost alrededor di 16 nudo, cu rafaga te 26 nudo. Posibilidad di awa lo ta menos cu 20 %. Precipitacion lo ta menos cu 2 mm.

TEMPO PA DIADOMINGO MAINTA
Shelo lo ta parcialmente nubla. Lo bay tin leve posibilidad di awa.

Temperatura maximo: 33°. Indice di calor lo ta te 37°. Indice ultraviolet: 10. Biento ta for di direccion oost alrededor di 17 nudo, cu rafaga te 27 nudo.

TEMPO PA AWE NOCHI
Shelo lo ta parcialmente nubla. Lo bay tin leve posibilidad di awa. Temperatura minimo: 27°. Biento ta for di direccion oost alrededor di 15 nudo, cu rafaga te 25 nudo. Salida di solo lo ta pa 6'or y 17 di mainta y bahada di solo lo ta 7'or y 5 di anochi. □



Aries



Tauro



Geminis



Cancer



Leo



Virgo



Libra



Scorpio



Sagitario



Capricornio



Aquario



Pisces

Bo ta hopi percipita. No actua sin considera e resultadonan. Hari cu amor y esaki, di su banda, lo smile bek na bo. A pasa cierto inconveniente cu por tin bo preocupa. Numbernan p'awe: 2, 14, 29 y 33.

Esaki lo bay ta un anochi inolvidabel. Lo bo rebiba un episodio hopi grato di bo bida. Bo ta den e tononan di amor. E movimiento planetario ta sigui influencia e etapa aki. Number: 8, 17, 23 y 34.

Un siman estupendo ta acercando. Prepara bo mes pa algo hopi bon. Si bo no tin pareha lo bo no sinti bo mes so y si bo tin'e lo bo por disfruta di dje un tiki mas. Numbernan p'awe: 5, 18, 28 y 30.

E problema amoroso ey lo wordo aregla. Lo bo resolve felizmente loke tabata inki-etabo. Bo a siña les di bida y bo ta percatada di e importancia cu bo tin cu confia mas den bo intuicion. Number: 11, 15, 22 y 32.

No kere tur promesa cu wordo haci na bo durante di e dianan aki. Bo tabata sa cu den poco dia lo bo ta bibando un aventura sentimental intenso cu un hende cu semper b'a gusta? Number: 4, 18, 20 y 46.

Habri bo mente y curason pa acepta e criticanan cu ta constructivo. Bo ta iniciando un periodo caminda lo bo defini hopi situacion cu ta parce complica, pero cu awo ta canalisa. Number: 9, 14, 28 y 34.

Lo bo descubri cu bo temornan ta infunda. Bo bida sentimental ta moviendo den un ritmo adecua y feliz, algo cu ta accentua den e transito actual di Luna cu ta activa bo intuicion. Number: 3, 29, 33 y 44.

Ta tempo di bida, alegria, regociho y saca dilanti bo asuntonan. A pasa algo cu a molestiabo? No lamenta ni agobia bo pareha. Lo bay miho si resta importancia na bo cambio di animo. Number: 14, 18, 37 y 41.

Sea hopi selectivo na ora di scoge un cos of un otro. Kico ta na e momentonan aki lo miho p'abo ora bo ta dilanti un disyuntivo sentimental? Bo curason y bo intuicion lo indica esaki. Number: 11, 21, 39 y 46.

E luna ta den bo signo. Lo yega noticianan di un hende hopi stima. Bo regente Saturno ta inspirabo pa realisa cosnan tripi, pero di otro banda, bo por sinti bo mes ansioso. Number: 5, 18, 29 y 44.

Bo ta defini un sentimento y ta compronde miho loke ta cumbinibo haci. Awe lo ta un dia adecuado pa haci algo sensual, diferente cu bo pareha amoroso y rebiba algo drumi. Number: 5, 22, 31 y 43.

Lo habri camindanan nobo amoroso y social. Ta un dia harmonioso y cu e posicion di Luna den un signo, lo bo sinti bo mes mas sigur y renoba, capaz di enfrente situacionnan nobo. Number: 16, 29, 31 y 42.

Pareha Howley honra door di Aruba Tourism Authority na Paradise Beach Villas

ORANJESTAD - Recientemente Sr. Joseph y Eileen Howley a wordo honra como Embahadornan di Bon Boluntad pa regresa Aruba pa di 22 aña consecutivo. E titulo simbolico aki ta wordo

otorga den number di Minister di Turismo como un muestra di aprecio na huespednan cu ta bishita Aruba entre 10 pa 20 aña consecutivo. Sr. Ricardo Croes representando Aruba Tourism Authority

a conduci e ceremonia cu a wordo teni na Paradise Beach Resort. Riba e potret bo por mira Sr. Joseph y Sra. Eileen Howley cu a wordo honra door di ATA. □



NOS TEY ATROBE CU NOS PAGINA DI CLASIFICADO GRATIS

CLASIFICADO ECONOMICO



PERSONAL GRATIS MAX 20 PALABRA - TA ACEPTA AVISO FOR DI 9:00AM - 4:00PM

PASA LAGA BO AVISO NA OFICINA DI BON DIA ARUBA WESTSTRAAT #22

TA BENDE

Chevrolet Avalanche 2002, automatic, color blanco y color preto paden, kibra dilanti y na banda. Por drecha of tambe pa piesa. ("as is where is") Afl. 5000,- negociabel. **Tel: 594-9990**

TA BENDE

Poster Map's di Aruba masha bunita mes. Na color pa mas informacion please yama **Tel: 561-6542**

SERVICIO PUBLICO

Mata di fruta bon cu no ta hasi nada cu nan, mi ta pasa piki nan. **Tel: 568-3541**

TA BENDE

1 Bottle cooler manera nobo A-1 condition ± 30 caha cerbes. bon pa bar of restaurant. Prijs Afl. 2.500,- **Tel: 660-3870**

TA BENDE

Siman 14-21 Juni Costa Linda 2-Bdr. US\$ 850, 3 anochi (weekend) of 4 anochi (siman) @ US\$ 450. Pa mas informacion **Tel: 585-1582/567-3476**

TA BENDE

Un Isuzu pick-up LS double cabina 2002, 4 cyl. gasoline, motor overhauled (7-7-'13) Pa mas informacion **Tel: 594-1985**

SERVICIO PUBLICO

Pa mantencion di mata di fruta, a cambio di fruta. pa mas informacion yama **Tel: 568-3541**

TA BENDE

Bukinan di Havo, 4 semi-exact pakket y bukinan di EPI S&S apothekersassitent 1ste jaar. Pa mas informacion **Tel: 560-7477**

TA BENDE

1 Stand up cooler 1 porta di glas pa refresco of pa usa den cushina. (bar restaurant) Prijs Afl. 600,- pa mas informacion yama **Tel: 660-3870**

TA BENDE

Cabrito pa cria di un te cuanto cu bo kier compra. Esun cabrito cu tin baby bo ta haya e cabrito baby gratis. Pa mas informacion **Tel: 741-2537 / 734-7327**

SERVICIO PUBLICO

Musica varia pa tur gusto y pa tur edad. Pa bo fiesta of establecimiento yama 2Sum Band **Tel: 561-4180 - 583-9012**

TA BENDE

Un Harley Davidson costum. Hopi bunita, nobo gespuit, hopi chrome messs Prijs Afl. 25.000,- Pa mas informacion **Tel: 733-9993**

TA BUSCA

Señora ecuatoriana ta busca trabao di limpieza de casa, cuidar niños o hente grande. Pa mas informacion **Tel: 995-2371**

TA BENDE

Quadriseer KJMO MXV 300, un doño, bon condicion. Pa mas informacion **Cel: 594-9069**

TA BENDE

Infanti Baby Stroller cu Carrier model sport pa Afl. 200,- pa mas informacion yama **Tel: 742-5845**

TA BENDE

Ford F-350 dually full equipped 2000. 4 drs. wheel size 22", color shinishi silver Hopi bunita, hopi extra's Prijs Afl. 45.000,- Pa mas informacion **Tel: 593-0403**

TA BENDE

Eikenhout kast di Hulanda, Chandeliers blanco (luz) TV di color 32" pa mas informacion **Tel: 733-7007**

TA BUSCA

Tereno eigendom of erfpacht pa compra. 400 - 500m² den vesindario di Alto Vista (Noord) ta paga Afl. 40.000,- yama entre 6'or - 7'or **Tel: 568-1357**

TA BENDE

Mata di Fruta super bon prijs. Tambe nos tin machine pa carpinte **Tel: 733-9993**

SE OFRECE

Servicio de mte. aires acondicionados derivaciones de TV por cable, instalaciones electronicas residenciales. Pa mas informacion yama **Cel: 749-8756**

TA BENDE

Un Truck JAC 2008 cu solamente 15.000km cori, STD, pa carga santo etc. **Tel: 593-6305/593-8797**

TA BENDE

Un Toyota Yaris 2005 pa Afl. 8.000,- Pa motibo di viahe. Interesado serio por yama **Tel: 563-7675**

TA BENDE

Set di cama palo Afl. 1500,- set di sala cuero y palo Afl. 1000,- Un frigidaire dos porta blanco Afl. 900,- mesa di sala Afl. 100,- Set di spiel cu su mesa Afl. 500,- diferente cuadra pa Afl. 100,-/75,-/50,- etc **Tel: 563-7675**

TA BENDE

8 Boeki di Colegio EPI Unit Economia Administratie. Pa mas informacion **Cel: 630-7127**

TA BENDE

Un split unit Ecox 18.000Btu us gas 410 low amperage 3 luna usa Prijs normal 2100, awor Afl. 1200,- **Cel: 594-1985**

Bolo tres lechi

INGREDIENTE:

1 cup di sucu refina
5 dor di webo
5 blanco di webo
1/3 cup di lechi
1 telep di extracto di vanilia
1 cup di hariña
1 ½ telep di puero pa horna
1 bleki di lechi condensa
1 bleki di lechi vapore
2 cup di crema pa bati
10 cherry

PREPARACION

Keinta e forno na 175 grado, y hunta e baki cu manteca. Bati e dor di webo hunto cu ¾ cup di sucu, ora bo ta mira su color cla y su volumen a duplica, incorpora e lechi, y e vanilia, hariña y puero di horna. Den un bowl chikito bati e blanco di webo te ora cu e bira scuma. Poco poco incorpora e

resto di e sucu, bati'e te ora cu esaki cera (bira stijf), pero sin lag'e seca. Bati e blanco y e dor di webo, pone esakinan den e baki cu vet. Horn'e na 175 gradoC, pa mas o menos 45 a 50 minuut. Introduci un forki den e centro di e bolo y si esaki ta sali limpi, ta nifica cu e bolo ta cla. Pasa na rand di e bolo cu un cuchiu, prome cu saca esaki for di e baki. Lag'e fria completamente y pone riba un scalchi.hinca e forki na varios caminda riba e bolo, pa ora cu basha e mescla, e bolo por absorba esaki mas lihe.

Mescla e lechi condens, e lechi vapore y ¼ cup di crema y bati esakinan hunto. Poco poco pon'e e mescla di e tres lechi riba e bolo te ora cu e ta absorb'e. Bati e resto di e cre-



ma te ora cu e bira diki y por ultimo cubri e bolo y dorn'e cu e cherry. □



Ingrediente :

1 paki di jello cora
1 paki di jello berde
1 paki di jello oraño
1 paki di jello geel
2 envelop di jello sin sabor

Bolo di Glas

Pa e jello blanco:

2 bleki di lechi condens grandi
1 cuchara di vanilia
2 bleki di cream of nestle di 295 gram
1 bleki di lechi awa grandi
3 envelop di jello sin sabor
1 bleki di fruit cocktail grandi

Preparacion :

Pa e bolo di glas aki nos ta traha e jello nan di colo prome. Ta traha cada colo di jello apart cu mita envelop di jello sin sabor. Ta basha nan den un cup di awa cayente y mita cup di awa friu. Ora cu ta cla di draai nan bon, ta basha cada colo apart den un forma plat. Awor ta hinca nan den frigidaire te su siguiente dia. Si ta desea por uza menos colo tambe. Pa traha e jello blanco ta muha e tres envelopnan di jello sin sabor den un tiki awa friu. Despues nos ta pone mita cup di awa cayente den e jello y draai esaki hopi bon pa e disolve. Awor nos ta bati e cream of nestle pa e keda fini fini, pa despues agrega e jello, lechi condens, lechi awa, vanilia y e fruit cocktail. Ora tur cos ta hunto, ta draai nan bon cu un cuchara di palo. Nos ta saca e jello nan di colo for di frigidaire y corta nan vierkant chikito, y ora bo ta cla, bo ta basha e mescla riba e jello nan corta y bruha nan den otro. Awor nos ta basha esaki den un forma, tape e cu un pida foil y hink'e den frigidaire. Tambe por cumpra e cupnan chikito cu nan tapa y basha e mescla den nan. Nos ta tapa e cupnan y pone nan den frigidaire. Si ta den un forma bo a basha e mescla, su siguiente dia bo ta djis pasa un cuchiu na e rand di e bolo di glas y pone den un scalchi. □

Bolo di pan cu caramel

Ingrediente:

12 slice di kipashi
2 cup di lechi
5 webo
¼ di cup di biña dushi
2 cuchara di manteca gesmelt
1 cup di sucu
1 telep di vanila
1 telep di cinnamon
½ cup di rasenchi

Caramel

½ telep di sucu
2 cuchara di awa

Preparacion:

Muha e pan cu e lechi, mescla den osterizer e webo cu e sucu, e biña dushi, e cinnamon, e vanila y e manteca gesmelt. Agrega e mescla aki den e pan. agrega e rasenchi. Pa traha e caramel: . pone e sucu y e awa y cushina e caramel den un wea, riba stove te ora e bira un colo bruin. Ba-



sha e caramel den e baki di bolo, den cual despues nos lo agrega tur e mesclanan hunto y lo horna esaki na 350 grado

durante un ora. Lag'e bira friu pa despues saca esaki for di e baki y pone riba un schaalchi. □

Bolo Dos Color

Ingrediente:

150 gram di "dark chocolate"
200 gram di sucu
150 gram di hariña
150 gram di manteca
3 webo
Y cuchara di yeast den puero

Preparacion:

Bati e dor (parti geel) di webo cu e sucu te ora bo tin un consistencia di crema. Agrega 100 gram di manteca moli y e hariña y e yeast pasa door di un sefta; mescla esaki bon. Bati e blanco di webo te ora cu e scuma y separa esaki y e mescl'e den dos pida, smelt e den un baño di maria,



e chuculati corta cu e resto di e manteca y mescla tur hunto cu un di e pida separa. Verter e dos mescla den un mansa di forma alterna pa nos por logra combina e dos colo. Horna e mescla na un temperatura me-

dia (170 grado – 180 grado) durante 40 minuut aproximadamente.

Conseho:

Agrega algun fruta seco corta den e mansa manera, almen-dra y noot. □